

ዔብሬ ዓሶም ዳኪንቴ ኪኢቶ ዓይያ ካር

ሃይ ኪኢታ ዔብሬ ዓሶም ፃኣፒንቴሢ ሚርጌ ዓሳ ዒዲ ማካያ ማዔም ፔኤኮ ጉሙርቂያ ሃሻኒ ዑኬ፥ ኪሪሰቶሴ ጉሙርቃ ዓሶምኬ፤ ሃኖ ኪኢቶ ፃኣፒ ዓሢ ጾኦሲ ፔኦም ጎናሲ ፔጌና ዳዌሢ ዬሱሰ ኪሪሰቶሴና ማዒያ ዓማኔ ዔብሬ ዓሶም ዳዊ፥ ዔያታ ጉሙርቂያና ደዳንዳጉዲ ዔያቶ ዘራኔ፤ ዬያ ዒ ዘራ ዎዶና ሃይሦ ጎኑም ባኣዚ ዔርዛኒ ኮዔኔ፤ ዬንሢያ፡-

1. ሜታዴ ሜቶ ዛሎና ጾኦሲ፥ ዓዳሢም ጎኔና ዓይሢንታያ ማዔ ኪሪሰቶሴ ናንጊና ናንጋ ጾኦሲ ናይኬ፤ ዒዚ ጾኦሲ ናይ ማዒያና ሚናኣ ጫኣቃሢ ማፃኣፓ ዓኣ፥ ጾኦሲ ማሊያ ኬኤዛ ዓሶይዳፓ፥ ጾኦሲ ኪኢታንቸይዳፓ ሃሣ ሙሴይዳፓኣ ሚርጌና ባሻያኬ።

2. ዬሱሴ ሚናኣ ጫኣቃሢ ማፃኣፓይዳ ዓኣ ቁኤሳፓ ሚርጌና ባሻያ ናንጊና ናንጋ ቁኤሴ ማዒያ ጾኦሲ ፔ ቶኦኪና ኬኤዘኔ።

3. ዬሱሴ ዛሎና ጾኦሲ ጉሙርቃ ዓሲ ጎሜይዳፓ፥ ዒጊቹሞና ሃይቢናይዳፓ ዳቃንዳኔ፤ ዬሱሴ ቁኤሶኮ ጉቤ ዑሢ ማዔሢር ዔብሬ ዓሶ ካኣዦ ዳሞቦ ጎይያና ቆልሞ ሹኪ ዒንጊያ ዳቂንቶኮ ሺቢ ማዒ ዓኣያታንቴ ዒዛና ጎናዲ ዔርቴኔ፤ ጋዓያኬ።

ሃኖ ኪኢቶ ፃኣፒ ዓሢ ዒሰራዔኤሌ ዓሶ ዛሎ ኬኤዘንታ ሃይሶናኣ ዔያቶ ባኣካፓ ዔርቴ ዓሶኮ ጉሙርቂያ ኮኣከንሢ ማሂ (ዓይ. 11ይዳ) ናባባ ዓሳ ፔኤኮ ጉሙርቂያና ደዳንዳጉዲ ዘራኔ፤ ዬያጉዲ ሃሣ ዓይ. 12ይዳ ናባባ ዓሳ ዬሱሴ ኮሺ ዛጊ፥ ፔኤኮ ጉሙርቂያና ደዳንዳጉዲና ዎዚ ዔያቶ ሜቶንታ ዎኣዪሢንታ ሄሌቲያ ጊቢ ዳንዳጎንዳጉዲ ዘራኔ፤ ጋፒንያይዳ ዘርና ላቲሢ ባኣዚና ኬኤዚ ጋፒሴኔ።

ማፃኣፔላ ዲማ ዲማ ዓርቁ ባኮ

- ዓይሢ ካራ ጾኦሲ ፔኦም ኪሪሰቶሴና ፔጋሲ ዳዌሢ ዛሎ (1:1-3)
- ኪሪሰቶሴኮ ጾኦሲ ኪኢታንቸይዳፓ ባሼ ማዒያ (1:4—2:18)
- ኪሪሰቶሴኮ ሙሴና ዒያሱናይዳፓ ባሼ ማዒያ (3:1—4:13)
- ኪሪሰቶሴኮ ቁኤሶይዳፓ ቢያ ዑሢ ማዒያ (4:14—7:28)
- ጾኦሲ ፔ ዓሶና ጫኣቁ ጫኣቁማፓ ኪሪሰቶሴኮ ባሼ ማዒያ (8:1—9:28)
- ጾኦሲም ሺኢሺ ዒንጎ ዒንጊያይዳፓ ኪሪሰቶሴኮ ባሼ ማዒያ (10:1-39)

ጉሙርቂያና ቤርታጅ ዓሶ ዛሎ (11:1—12:29)
 ያኦሲ ዋዛሲሢ ዛላ (13:1-19)
 ሸኢጲሢ ሸኢቆናያ (13:20-21)
 ጋፒንሢ ሃይሴ (13:22-25)

ያኦሲ ፔ ናዓሢ ዛሎና ኬኤዜሢ

1 ያኦሲ ሚና ዲማ ዲማ ጎይሢና፣ ፔ ማሊያ ኬኤዛ ዓሶ ዛሎና፣ ኑ ዓድንሢም ሚርጌ ዋዴ ኬኤዜኔ፤
 2 ሃሢ ጋዓንቴ ሃሮ ጋፒንያ ዋዶና ቢያ ባኮ ዒዛም ዒ ማሄ፣ ፔ ናዓሢ ዛሎና ኑም ኬኤዜኔ፤ ዓጫ ቢያ ማዢንቴሢ ዒ ዛናኬ።
 3 ዒዚ ያኦሲ ቦንቸኮ ማላታ ሃሃ ዒዛኮ ዓኣ ያኑማኣ ያኦሲና ዋላ ፔቴ ማዓያኬ፤ ጊንሃ ሃሃ ቢታንታ ዓኣ ቃኣሎና ሳያንታ ዓኣ ባኮ ቢያ ፔቴይዳ ዒ ዓርቂያኬ፤ ዓሶኮዋ ዒ ጎሞ ጌኤሼሰካፓ ጫሪንጮይዳ ጴኤፖ ያኑዛሢኮ ሚዛቆ ዛላ ዴዔኔ።

ያኦሲ ናዓሢኮ ኪኢታንቸይዳፓ ባሼ ማዒያ

4 ዒዛም ጌሢንቴ ሱንፃ ኪኢታንቸ ሱንፃይዳፓ ባሼ ማዒ ጎይያና ያኦሲኮ ናዓሢ ኪኢታንቸይዳፓ ቢያ ባሻያኬ።
 5 ዋይቲ ጌዔቴ ያኦሲ ኪኢታንቸ ባኣካፓ፡-
 «ኔኤኒ ታኣኮ ናዓሢኬ፤ ታ ኔኤኮ ሃሮ ዓዶ ማዒኔ።»
 ሃሃ ጊንሃ፡-
 «ታ ዒዛኮ ዓዶ ማዓንዳኔ፤ ዒ ታኣኮ ናኣዚ ማዓንዳኔ»
 ጌዔይ ፔቴታያ ባኣሴ።
 6 ያኦሲ ፔኤኮ ቶይዶ ናዓሢ ዓጮ ዳካኣና፡-
 «ያኦሲ ኪኢታንቸ ቢያ ዒዛም ዚጎንጎ» ጌዔኔ።
 7 ኪኢታንቸ ዛሎ ጋዓንቴ፡-
 «ኪኢታንቸ ዠባሬ፥
 ዒዛም ማዳ ዓሶዋ ታሚ ሎሰቶ ታ ማሃንዳኔ» ጌዔኔ።
 8 ፔ ናዓሢ ዛሎ ጋዓንቴ፡-
 «ያኦሲዮ! ኔኤኮ ካኣቱሞ ያይታ ናንጊና ባይቁሞየ ናንጋንዳኔ፤
 ኔኤኮ ካኣቱሞ ዒሎሞና ኔ ዔኪ ዓኣዳንዳኔ፤
 9 ዒሎሞ ኔ ናሽኪ ፑርቱሞ ኔ ዒፄኔ፤
 ዬያሮ ያኦሲ፥ ኔ ያኑዛሢ ኔና ዶኦሬኔ፤

1:5 ዓይኔ. 2:7፤ 2ሳሙ. 7:14፤ 1ያኦሲ. ዓሃኬ 17:13። 1:6 ላሚ. ዋማ 32:43።
 1:7 ዓይኔ. 104:4።

ኔኤኮ ላጎይዳፓ ባሺ ዋዛ ዲቢሺ ኔኤም ዒዚ ዒንጌኔ» ጌዔኔ።

10 ዬያጉዲ ሃሣ፡-

«ጎዳሢዮ! ኔኤኒ ቤርታ ሳፆ ማዠኔ፤
ጫሪንጮዋ ኔ ኩቻ ኔ ማዠያከ።።

11 ዬያታ ቢያ ባይቃንዳኔ፤
ኔኤኒ ጋዓንቴ ናንገና ናንጋንዳኔ፤
ዔያታ ዓፒላጉዲ ጨንቃንዳኔ።።

12 ሃሣ ኔ ዔያቶ ዴኤፒ ኮኦቴጉዲ ጳንጫንዳኔ፤
ዓፒላጉዲ ዔያታ ላኣሚንታንዳኔ፤
ኔኤኒ ጋዓንቴ ቢያ ዋዴ ኔናኬ፤
ፔቴታፆ ኔ ጋርቹዋያከ» ጋዓኔ።።

13 ያኦሲ ፔኤኮ ከኢታንቸ ባኣካፓ፡-
«ኔ ዋርኮ ታ ኔና ባሺ ሳንዲያ ሄላንዳኣና
ታኣኮ ሚዛቆ ዛላ ዴዔ» ጌዔያ ፔቴታፆ ባኣሴ።።

14 ዓካሪ ከኢታንቸ ዳቃዘንሢ ማኣዳኒ ያኦሲፓ ዳከንቴ ማዳ፡
ዓያኖቱዋዓዳ?

2

ዴኤፖ ዳቂንቶ

1 ዬያር ኑ ዋይዜ ባኮይዳፓ ዳቢንቴ ከሰኩዋጉዲ ኑ ዋይዜ ባኮ
ኮሺ ጉሙርቂ ዓርቃንዳያ ኮይሳኔ።።

2 ቤርታ ያኦሲ ከኢታንቸ ዛሎና ከኤዘንቴ ባካ ጎኔ ማዒ ዔርቴኔ፤
ዬያ ከኤዘንቴ ባኮይዳፓ ዑሣ ዓኣዴሢና ዬያ ዓይሢንቴ ባኮ
ኩንሠታዋኣሢ ኮይሳ ማቶ ዔካኔ፤

3 ዓካሪ ኑኤኒ ሃሢ ሃያ ዴኤፖ ዳቂንቶ ቦሢ ሃሻያ ማዔቴ ዋዲ ኑ
ቶሊ ዓታንዳይ? ሃያ ዳቂንቶ ቤርታዲ ጎዳ ኑም ፔኤር ከኤዜኔ፤
ዋይዜ ዓሳኣ ጎኔ ማዒያ ኑም ዔርዜኔ።።

4 ያኦሲያ ማላታና ዲቃሣ ባኣዚና ሃሣ ዲማ ዲማ ፔ ዋልቁና
ማዲንታ ዓከ ባኣዚ ማዲሢና ዬያጉዲ ሃሣ ዒና ናሽከሢጉዴያ ዓያኖ
ጌኤዦ ዒንጌ ዒንጌያ ዛሎና ፔኤር ማርካዴ።።

ዳቂንቶ ባንሢ ዔከ ዓኣዳ ዓርናሢ

5 ያኦሲ «ሃጊ ሙካንዳኔ» ጌዒ ኑኤኒ ከኤዛ ዓጮ ከኢታንቸ
ዋይሣንዳጉዲ ጌይባኣሴ፤

6 ዬያ ዛሎና ጌኤዦ ማፃኣፖይዳ ፔቴ ቤሰካ፡-

«ኔ ማሊ ጳቂሣንዳጉዲ ዓሲንሢ ዓይጎ ባኣዚዳይ?
ኔ ዔያቶ ዛሎ ማላንዳጉዲ ዓሲ ዓይጎ ባኣዚዳይ?

7 ኪኢታንቸይዳጉ ዳካ ኔ ዔያቶ ሂርኪሴኔ፤
ቦንቸንታያና ጋላቲንታያና ማዒያ ዔርዛ፤ ቦንቸ ባኮ ኔ ዔያቶ
ቶኣካ ዓገኔ፤

8 ቢያ ባኮዎ ዔያታ ዎይሣንዳጉዲ ኔ ማሄኔ»
ጌይንቴ ባኣዚ ዓኣኔ። ቢያሢ ዔያታ ዎይሣንዳጉዲ ማሃ ዎዶና
ዔያታ ዎይሣንዳጉዲ ማሁዎዎ ሃሾና ባኣዚ ዓይጌያ ባኣሴ፤ ጋዓንቴ
ሃሢ ቢያ ባኮ ዔያታ ዎይሣሢ ኦ ሃጊ ዛጊባኣሴ።

9 ሃሢ ጋዓንቴ ኪኢታንቸይዳጉ ዳካ ሂርኪዶና፤ ዬሱሴ ሃይቢ ሜቶ
ዔኬያታሢር ቦንቸንታያና ጋላቲንታያ ማዒያ ዔርዛ፤ ቦንቸ ባኮ
ቶኣካ ዓጊ ዓኣንቴ ኦ ዛጋንዳኔ፤ ያኦሲ ዒዛም ዒንጌ ዒንጊያና ዒዚ
ኦ ዛሎር ሃይቄኔ።

10 ቢያ ባካ ዒዛም ሃሃ ዒዛና ናንጋ ያኦዛሢ ማርጌ ናኣቶ ፔ ቦንቸ
ባንሢ ዔኪ ሙካኒ ጌዒ ዳቂንቶኮ ዓርና ማዔ፤ ዬሱሴ ሜቶና ሜታሲ
ጊኢጌያ ማሃኒ ኮይሳያ ማዔም ማዴኔ።

11 ዓሶ ያኦሲም ደማሳሢና ዒዛ ዛሎና ያኦሲም ደማዴያ ማዔ
ዓሶና ፔቴ ዓዶ ናይኬ፤ ዬያር ዬሱሴ ዔያቶ «ታ ዒጊኖንሢዮቴ» ጋዓኒ
ሴልቁዎሴ።

12 ዬያ ዛሎ ጌኤዦ ማፃኣፖይዳ፡-
«ኔ ማዴ ባኮ ታ ዒጊኖም ታ ኬኤዛንዳኔ፤
ቡኪንቶ ባኣኮይዳ ዓይኑምና ታ ኔና ጋላታንዳኔ» ጋዓኔ።

13 ዬያጉዲ፡-
«ታ ዒዛ ጉሙርቃንዳኔ» ጋዓኔ። ሃሃ ጊንሣ፡-
«ሃይሾ፣ ታኣና ያኦሲ ታኣም ዒንጌ ናኣቶና» ጋዓኔ።

14 ዬያር ናኣታ ዓሽኪና ሱጉሢና ዓኣ ዓሲ ማዔ ጎይያ፤ ዬሱሴያ
ዔያቶጉዲ ዓሲ ማዔኔ፤ ዬያ ዒ ማዴሢ ሃይቄ፤ ሃይቢዳ ቢታንቶ ዓኣ
ፃላሄ ባይዛኒከ።

15 ዬያጉዲ ሃሃ ፔ ናንጎ ዎዶ ቢያይዳ ሃይቢ ዒጊጨሢና ሃይቢ
ዒጊቹዎም ዓይሌ ማዒ ናንጋ ዓሶ ዬያይዳጉ ኬሳኒከ።

16 ዒዚ ሙኬሢ ኪኢታንቸ ማኣዳኒቱዋንቴ ዓብራሃሜ ዜርያ
ማኣዳኒ ማሊከ፤

17 ዬያር ቢያ ባኣዚና ፔ ዒሾንሢንታ ማሾንሢንታጉዲ ማዓኒ
ዒዛ ኮይሳያ ማዔም ማዴኔ፤ ዬያ ዒ ማዴሢ ዓቶም ጋዓያና

ጉሙርቁንታ፥ ቄኤሶኮ ዑሢ ማዒ ያኑሲም ማዳኒና ዓሶኮ ቢያ ጎሞ ባይዛኒኬ።

18 ዒዛ ጌሺ ዛጎና ዎድና ዒ ሜቶ ዔኬያታሢር ሃሢ ጌሺያና ዛጎዞንሢ ዒ ማኣዳኒ ዳንዳዒ።

3

ዩሱሴኮ ሙሴፓ ባሽ ማዒያ

1 ያኑሲኮ ዔኤሊያ ዎይዚ ዔኪ ዒዛም ዳማዴያ ማዔ፥ ታ ዒሾንሦ! ታ ሚሾንሦ! ኑ ጉሙርቃንዳጉዲ ኬኤዞም ያኑሲፓ ዳኪንቴያ ማዒሢና ኑ ካኣሽካ ካኣዦኮዎ ቄኤሶ ቢያፓ ዑሣ ማዔ፥ ዩሱሴ ዛሎ ማሉዎቴ።

2 ሙሴ ያኑሲ ዳሮ ዔኪ ዓኣዳያ ማዴ ማድና ቢያ ያኑሲም ጉሙርቁንቴያ ማዒሢጉዲ ዩሱሴ ዒዛ ደኦሬ፥ ያኑሲም ጉሙርቁንቴያኩ።

3 ማኣሪ ማዞ ዓሢ ማኣሮይዳፓ ባሽ ቦንቹንታሢጉዲ ዩሱሴያ ሙሴይዳፓ ባሽ ቦንቹንታኒ ኮይሳያ ማዒ ጴዴኔ፤

4 ጎኔኬ ፔቴ ፔቴ ማኣሮ ማዜ ዓሲ ዓሲ ዓኣኔ፤ ጋዓንቴ ቢያ ባኮ ማዜሢ ያኑሲኬ።

5 ሙሴ ሃጊ ኬኤዚንታንዳ ባኮ ዛሎ ማርካዲ ማርካዲ ያኑሲ ዓሶ ዔኪ ዓኣዳያ ማዴ ማድና ጉሙርቁንታ ማዴ ዓሲ ማዒ ማዴ።

6 ኪሪሰቶሴ ጋዓንቴ ማዴሢ ያኑሲ ማኣሮይዳ ጉሙርቁንታ ናይጉዲ ማዒኬ፤ ዩይ ማኣራ ኑናኬ፤ ኑ ዒዛኮ ማኣሮ ማዓንዳሢ፡- ኑ ጉሙርቃ ባኮና ኑ ያቶርቃ፥ ሃጊ ማዓንዳ ዎዞ ደዲሺ ዓርቁቴኬ።

ያኑሲ ዓሶም ሃውሾ ጴዳንዳሢ

7 ዓያኖ ጌኤዞ ጋዓ ጎይዎ፡-

«ሃኖ ዒንሢ ያኑሲኮ ዑኡዞ ዎይዛያ ማዔቴ፥

8 ዓሲ ናንጉዎ ዳውሎይዳ ዒንሢኮ ዓድንሢ ስታ ዎይታቴያ ጌዒ ማዴ ዎድና

ዔያታ ዎይዞ ዒፄ ጎይዎ

ዒንሢኮ ዒኖ ደዲሺ ዎይዞ ዒፄ ማሃፖቴ።

9 ዒንሢኮ ዓድንሢ ዒ ዎይታቴያ ጌዒ ሚርጌ ባኣዚ ማዴኔ፤

ሃሃ ያይዲታሚ ለዔ ታ ማዴ ባኮዎ ዔያታ ዛጌኔ»

ጋዓኔ ያኑሲ።

10 «ዒማና ታ ዔያቶይዳ ዳጋዲ፥

ዒና ዔያቶኮ ቢያ ዎዴ ዳቢንታኔ፤

- ታ ጎይዖዎ ዔያታ ዔሪባኣሴ»» ጌዔኔ።
- 11 ሃሣ፡- « ታኣኒ ዔያቶም ዒንጋንዳኔ ጌዔ፥
 ሃውሾ ቤዞ ፔቲታዖ ዔያታ ጌላዓኩ» ጌዒ
 ዳጋና ታ ጫኣቄኔ» ያኦሲ ጋዓኔ።
- 12 ታ ዒሾንሃ! ታ ሚሾንሃ! ዒንሢዳጋ ያኦሲና ናንጊና ባይቁዎ
 ያኦዛሢዳጋ ሃኪሳያና ፑርታ፥ ሃሣ ጉሙርቁዎ ዒናና ዓኣያ ማዒ
 ጴዳዎጉዲ ዒንሢና ዔራዎቲ።
- 13 ዒንሢ ባኣካጋ ያኦሲና ጎሜና ጌሽንቴም ዒና ዎይዚ ዒዳ ዶዳያ
 ማዑዎጉዲ፤ «ሃኖ» ጌይንታሢ ዓኣ ጎይሣ ዓኣንቴ ቢያ ከሌ ዎላ
 ዘርቲ ዎሊ ዶዲሹዎቲ።
- 14 ቤርታ ኦኡኮ ዓኣ ጉሙርቁዎ ጋፒንዖ ሄላንዳኣና ኦ ዶዲሽ
 ዓርቃያ ማዔቲ ኪሪሰቶሴና ዎላ ማዶ ባኮ ኦ ማዳያ ማዓንዳኔ።
- 15 ዩይያ፡-
 «ሃኖ ዒንሢ ያኦሲኮ ዑኡዞ ዎይዛያ ማዔቲ፥
 ዒንሢኮ ዓዶንሢ ዎይዞ ዒዳ ጎይዖ
 ዒኖ ዒንሢኮ ዶዲሽ ዎይዚ ዒዳያ ማሂፖቲ»
 ጌይንቴሢጉዲኩ።
- 16 ዓካሪ ዩንሢ ዑኡዞ ዎይዚ ዓይሢንቶ ዒዳዞንሢ ያናንሢዳይ?
 ሙሴ ጌብዳጋ ዔኪ ከሴ፥ ዓሶ ቢያሢቲዎዓዳ?
- 17 ያይዲታሚ ለዔ ጉቤ ያኦሲ ዳጋሲ ናንጌ ዓሳ ዎኣቶዳይ?
 ዩያታ ጎሞ ማዴም ሌዛ ዓሲ ናንጉዎ ዳውሎይዳ ከኤሪንጉ
 ዓቴዞንሢቲዎዓዳ?
- 18 ሃሣ «ታኣኮ ሃውሾ ቤዞ ጌላዓ» ጌዒ ጫኣቆናዞንሢ
 ዎንሢዳይ? ዩንሢ ዓይሢንቶ ዒዳዞንሢቲዎዓዳ?
- 19 ዓካሪ ጌላኒ ዔያታ ዳንዳዒባኣሢ ጉሙርቁዎዎ ዓቲዖና ማዔሢ
 ሃሢ ኦ ዛጋኔ።

4

- 1 ዓካሪ ዒዚ ኦም ዒንጋ ሃውሾይዳ ጌላንዳጉዲ ጌዒ ኦም ዒንጎና
 ሃጊ ማዓንዳ ዎዛ ሃጊ ዓኣ ጎይሣ ዓኣሢር ዒንሢዳጋ ያኦሲና ዩኖ
 ሃውሾይዳ ጌሎዎዎ ዓቲዎጉዲ ቢያሢ ሂርጊ ኦና ኦ ካፖም።
- 2 ዓይጎር ጌዔቲ ኮዦ ሃይሶ ዩኖ ዎዶና ዔያታ ዎይዜ ጎይዖ ኦኡኒያ
 ዎይዜኔ፤ ጋዓንቴ ዔያታ ዎይዜ ባኮ ጉሙርቁ ዔኪባኣሢር ዔያቶ
 ማኣዳባኣሴ።
- 3 ያኦሲ፡-
 «ታኣኒ ዔያቶም ዒንጋንዳ ሃውሾ ቤዜሎ
 ፔቲታዖ ዔያታ ጌላዓ ጌዒ ዳጋና ታ ጫኣቄኔ» ጌዔኔ።

የኦሲኮ ማዳ ሳዓ ማዢንቴህዳፓ ዓርቃየ ማዲንቲ ኩሜያ ማዔቴያ ኦኦኒ ጉሙርቃ ዓሳ ጋዓንቴ ዩኖ ሃውሾ ቤዜሎ ጌላንዳኔ።

4 ዎይቲ ጌዔቴ ላንካሳ ኬሎ ዛሎ ፔቴ ቤሲዳ «የኦሲ ላንካሳ ኬሎና ማዳ ሃሼኔ» ጌይንቲ ፃኣፒንቴኔ።

5 ዩያጉዲ ላሚ ሃሣ፡-

«ታ ዔያቶም ዒንጋ ሃውሾይዳ ፔቴታየ ዔያታ ጌላዓ» ጋዓኔ።

6 ዔያታ ኮዡ ሃይሶ ቤርታ ዋይዚ ዓይህንቲባኣህረ የኦሲ ዔያቶም ዒንጋኒ ጌዔ ሃውሾ ቤዛ ዔያታ ጌሊባኣሴ፤ ጋዓንቴ ዒኣካ ጌላንዳጉዲ ጌይንቴ ፔቴ ፔቴ ዓሲ ዓኣኔ።

7 ቤርታ ዳውቴ ዛሎና፡

«ሃኖ ዒንህ የኦሲኮ ዑኡዞ ዋይዛያ ማዔቴ፤

ዒኖ ዒንህኮ ደዲሺ ዋይዚ ዒፃያ ማሂፖቴ»

ጌይንቴህጉዲ፣ የኦሲ ሚርጌ ዎዴኮ ጊንፃፓ «ሃኖ» ጌይ ሜሌ ኬሊ ጌህኔ።

8 ዒያሱ የኦሲ ዔያቶም ዒንጋንዳኔ ጌዔ ሃውሾ ዔያቶም ዒንጌያ ማዔያታቴ የኦሲ ሃህ «ሃኖ» ጌዒ ሜሌ ኬሊ ኬኤዚንዲዋያታንቴኔ።

9 ዓካሪ የኦሲ ዴርኮ ዓይሁዶ ዓሶ ሃውሾ ኬሎ ማላ ሃውሾ ኬሊ ሃጊ ዓኣኔ፤

10 ዩያር የኦሲ ማዳ ሃሼህጉዲ የኦሲ ዒንጋ ሃውሾይዳ ጌላህያ ማዳ ሃሻንዳኔ።

11 ዓካሪ ዩንህ ዓሶንህ ዓይህንቶ ዒፃህጉዲ ማዒ ኑ ዓቱዋጉዲ የኦሲ ዒንጋ ሃውሾይዳ ጌላኒ ኑ ዶዶም።

12 የኦሲኮ ቃኣላ ናንጊና ናንጋያ ሃህ ማዶዋ ማዳያኬ፤ ለምየ ዛላ ጉቤ ዓጩ ማዔ፣ ጩንቻ ዓፓርይዳፓ ባሼ ዓጩያኬ፤ ሹምፓህና ዓያኖና፣ ሻዡና ጨጊጫ ካኣማ ካርዋ ዳማሳንዳያ ሄላንዳኣና ቲቃያኬ፤ ዒናይዳ ዓኣ ማሊህና ሱኡኬና ዔሪ ዎጋያኬ።

13 የኦሲ ቤርቶይዳፓ ዓኣሺንታ፣ ዓይጎ ማዢንቲያ ባኣሴ፤ ዒዛ ቤርታ ቢያ ባኣዚ ፔጋዴያ ሃህ ካሎ ማዒ ጴዳያኬ፤ ኦኦኒያ ኑ የኦጩንታ ባኮ ማሂ ኬኤዛኒ ኮይሳህ ዒዛ ቤርቶይዳኬ።

ዩሱሴ ቄኤሶኮ ዑፃ ዴኤፒ ማዒያ

4:3 ዓይኑ. 95:11። 4:4 ማዢ. ማፃ 2:2። 4:5 ዓይኑ. 95:11። 4:7 ዓይኑ. 95:7-8። 4:8 ላሚ. ዎማ 31:7፤ ዒያ. 22:4። 4:10 ማዢ. ማፃ 2:2።

14 ዓካሪ ሌካ ጫሪንጮ ኬሰኬ፥ ቄኤሶኮ ዑፃ ማዔ፥ ጳኤፒ ኦኡኮ ባኣሢሮ ኦኡኮ ጉሙርቂዖ ዶዶ ኦ ዓርቆም፤ ዬይያ ፆኦሲ ናዓሢ፥ ዬሱሴኬ።

15 ኦኡኮ ዓኣ ቄኤሶኮ ዑፃሢ ማዔሢ ኦ ላቤቲ ሚጪንቲ ኦና ማኣዳኒ ዳንዳዓያኬ፤ ዒዚ ቢያ ባኣዚና ኦኡዲ ዳቢሻኒ ጌሾያይዳ ጌሌያኬ፤ ጋዓንቲ ዒ ዓይጎ ጎሜያ ማዲባኣሴ።

16 ዓካሪ ጎሜኮ ዓቶም ጌይሢ ኦ ዴንቃንዳጉዲና ኦም ኮይጎ ዎዶና ኦና ማኣዳ ፆኦሲ ኮሹሞ ዒንጊዖ ኦ ዴንቃንዳጉዲ ዒዛኮ ኮሹማ ጴዳ ካኣቲሞ ዖይቶ ባንሢ ጉሙርቂሢና ኦ ሸኢኮም።

5

1 ቄኤሶኮ ቢያ ዑሢ ማዓ ፔቲ ፔቲ ዓጎ ፔ ዓሶ ባኣካፓ ዶኦሪንታኔ፤ ዬያታ ፆኦሲም ማዲንታ ባኮና ዓሲ ዛላ ዔቂ ጎሜ ዓቶም ጌይጎ ዒንጊዖ ዒንጋኒ ዶኦሪንታኔ።

2 ዒዚ ፔ ቶኦኪና ላቢንታያ ማዔሢሮ ዔሩዎ ዓሶና ላቢንታ ዓሶናም ሚጪንቲ ማኣዳኒ ዳንዳዓኔ።

3 ዒዚ ፔ ጎሞና ሜሌ ዓሶ ጎሞና ዛሎ ዒንጎ ባኮ ዒንጋኒ ዒዛ ኮይሴሢ ዬያ ዛሎናኬ።

4 ዓኣሮኔጉዲ ፆኦሲ ዔኤሊባኣያ ማዔቲ ፆኦኒያ ዬያ ቦንቾ ፔኤሮ ዴንቃ ዓሲ ባኣሴ፤

5 ዬያጉዲ ኪሪሰቶሴ ቄኤሶኮ ቢያ ዑሢ ማሃ፥ ቦንቾ ፔኤሮ ዔኪ ቦንቾንቲባኣሴ፤ ጋዓንቲ ዒዚ ቄኤሶኮ ቢያ ዑሢ ማሃ ቦንቾ ዔኬሢ፡-

«ኔኤኒ ታኣኮ ናዓሢኬ፤ ታኣኒ ኔኤኮ ሃኖ ዓዶ ማዔኔ» ጌዔ ፆኦዛሢዳፓኬ።

6 ዬያጉዲ ሃሣ ሜሌ ቤሰካ ፆኦሲ፡-

«ሜልኬፃዳቂ ቄኤሴ ማዒ ዶኦሪንቲሢጉዲ ኔኤኒ ናንጊና ናንጋንዳ ቄኤሴኬ» ጋዓኔ።

7 ዬሱሴ ዓሲ ማዒ ሃያ ሳያይዳ ናንጌ ዎዶና ሃይቢዳፓ ዒዛ ዳቂሻንዳ ፆኦዛሢ ጳኤፒ ዒላቲና ሃሣ ዬኤኪ ዬኤኪ ፔ ማሊዖ ኬኤዚ ሸኢቄኔ፤ ዒዚ ሸሌዑሞና ዓይሢንቲሢሮ ፆኦሲ ዒዛኮ ዒማና ሸኢጲዖ ዎይዘኔ።

8 ዎዚ ዒ ፆኦሲ ናይ ማዔቲያ ዒዛ ሄሌ ሜታሢ ዛሎና ዓይሢንቲሢሮ ዒ ዔሬኔ።

5:3 ለዎ. ዓኬ 9:7። 5:4 ኬሲ. ማፃ 28:1። 5:5 ዓይኔ. 2:7። 5:6 ዓይኔ. 110:4። 5:7 ማቴ. 26:36-46፤ ማር. 14:32-42፤ ሉቃ. 22:39-46።

9 ዬያና ዒ ገኢጌያ ማዒ ጴዴሰካፓ፣ ዓይሢንታዞንሢሣጦ ቢያ ናንገና ዳቁንታኮ ካራ ማዔኔ።

10 ማልከፃዲቄ ዶኦሪንቴሢፓዲ ያኦሲ ዒዛ ቄኤሶኮ ቢያ ዑፃሢ ማሢ ዶኦሪኔ።

ጉሙርቄያና ዓሳ ዶዳንዳጉዲ ላቲ ከኤዚንቴ ባኣዚ

11 ዬያ ዛሎ ሚርጌ ኦ ከኤዛንዳ ባኣዚ ናንገታንቴ ዑኩ ዒንሢሣጦ ዔኤቢ ጌሉዋኣሢረ ዒንሢሣጦ ከኤዚ ዔርዛኒ ማቶኩ።

12 ሄኤዶ ሄሊ ዒንሢሣ ናንጌ ጎይያና ሴካ ዓሲ ዔዔርዛንዳያታያ ያኦሲ ቃኣሎኮ ዓይያ ካሮ ማሌ ዓሲ ሃጊ ዒንሢሣ ዔርዛንዳያ ኮይሳኔ፤ ዬይ ዒንሢሣጦ ኮይሳሢያ ዲኣቄ ማዓንዳኣፓዓቴጦ ዶዲ ሙኣዚቱዋሴ።

13 ዓይጎር ጌዔቴ ዲኣቄ ሺሺንቄ ዑሾሢ ቢያ ናይ ማዔሢረ ጂሉዋ ዛላ ዔራቶ ባኣዚ ሃጊ ዔሪባኣያኩ።

14 ዶዲ ሙኣዚ ኮይሳሢ ጋዓንቴ ኮዦና ፑርቶና ዲማሲ ዛጊ ዔሪ ዒናዳ ዓሲጦኩ።

6

1 ከሪሰቶሴ ዛሎ ከኤዚንቴ፣ ቤርታሳ ዔርዚያ ሃሺ ሚርጌና ዔርዛ ዔርዚያ ባንሢ ኦ ዓኣዶጦ፤ ፓሡዋ ማዶ ማዔ፣ ጎሜ ቡኡዲሢ ዛላና ያኦሲ ጉሙርቄሢ ዛላና ገንሢ ኦ ሺሪ ሺሪ ዒዛ ዒንሢሣጦ ከኤዛዓኩ።

2 ዬያጉዲ ዋኣሢ ማሰቲሢ ዛላ፣ ከሪሰቶሴ ጉሙርቃ ዓሶ ዑፃ ኩቹ ጌሥሢ ዛላ፣ ሃይቄ ዓሶኮ ዔቄሢ ዛላ፣ ያኦሲ ናንገና ዋጋንዳ ዋጎ ዛሎ ላሚ ዒንሢሣጦ ኦ ከኤዛኒ ኮይሱዋሴ።

3 ያኦሲ ጌዔቴ ዬያ ኦ ማዳንዳኔ።

4 ጉሙርቄያ ሃሺ፣ ያኦሲ ጎይፃፓ ከሰኩ ዓሶ ላሚ ያኦሲ ባንሢ ማሃኒ ዳንዳዒንቴዋያኩ፤ ዬያቶጦ ሃያኮ ቤርታ ፖዒ ፖዔያኩ፤ ሃሢ ዔያታ ጫሪንጫፓ ዒንገንታ ዒንገሪዋ ዔኪ ዛጌያ፣ ዓያና ጌኤዦናኣ ዋላ ፔቴ ማዔያኩ፤

5 ሃሢ ዔያታ ያኦሲኮ ኮዦ ቃኣሎና ሃጊ ሙካንዳ ዓጮኮ ዋልቆ ዛጊ ዔሪያኩ፤

6 ዬያ ቢያ ዛጌሰካፓ ጉሙርቄያ ሃሺ፣ ከሰኩ ዓሶ ላሚ ገንሢ ያኦሲ ባንሢ ማሃኒ ዳንዳዒንቴዋሴ፤ ዓይጎር ጌዔቴ ዔያታ ያኦሲኮ ናዓሢ ላሚ ገንሢ ሱፃ፣ ዒዛኮ ቶኦኪያ ባይዚሳሢረኩ።

7 ሚርጌ ዋዶ ዒዛይዳ ዋርቃ ዒሮ ዑሽካያ፤ ሃሢ ዒዛ ጎሽካሢጦ ኮይሳ ባኣዚ ባቃልሳያ ማዔ ሳዔሎ ያኦሲ ዓንጅኔ።

5:13 1ቆሮ. 3:2።

8 ዓንገሠሩና ጋውዲና ባቃልሳ ሳዔላ ጋዓንቴ ፓሣ ባአዚ ባአያ ጉሪ ማዓንዳኔ፤ ሃሣ ዒዛ ጋዳንቁንታኒያ ዑኩኔ፤ ጋፒንፃ ዒዛኮ ታሚና ሚቸንቲ ማዓንዳኔ።

9 ዒጊኖንሢዮቲ! ዋዚ ኑ ያዲ ጌዔቴያ ዒንሢኮ ዳቁንቶና ዋላ ዒንሢሞ ዒንጊንቴ ኮሺ ባአዚ ዓአሢ ኑ ዔራራ።

10 ያኦሲ ፒዜ ዋጋያታሢሮ ቤርታ ማዔቴያ ሃሢ ዒዛም ደማዴ ዓሶናሽኩ፤ ዒዛ ሱንፆሮ ዒንሢ ማአዴ ማአዴያ ዒ ዋለንዲዋሴ።

11 ዒንሢ ሲያሢ ሃጊ ማዓንዳ ዋዛ ጌሢ ካፓ ባኮ ዴንቃንዳያ ሄላንዳአና ዒንሢ ዶዲ ማዳ ማዳ ጋፒንሢ ሄሊሲ ማዳንዳጉዲ ኑ ኮዓኔ፤

12 ኑ ኮዓሢ ጉሙርቁሢና ጊቢ ዳንዳዒሢና ዶዲ ሃጊ ማዓንዳ ዋዛ ማሂ ዔያቶም ዒንጊንቴ ባኮ ዴንቁ ዓሶጉዲ ማያም ጌዒ ማዓንዳአፓዓቲም ዋይዜ ባኮ ዑኩና ዔኩዋ ዓሲ ዒንሢ ማዓንዳጉዲቱዋሴ።

ያኦሲ ዒንጌ ሃጊ ማዓንዳ ዋዛ ሉኡቁዋያ ማዔሢ

13 ያኦሲ ዓብራሃሚም ሃጊ ማዓንዳ ዋዛ ዒንጋ ዋዶና ዒ ሜሌ ዔኤሌ ጫአቃንዳ ባአዚ ባአሢሮ ፔና ዔኤሌ፡-

14 «ጎኔና ታኔና ዓንጃንዳኔ፤ ኔኤኮ ዜርዎዋ ታሚርጊሻንዳኔ» ጌዒ ጫአቁኔ።

15 ዓብራሃሚ ጊቢ ዳንዳዒ ካፒ፣ ዒዛም ዒንጊንታንዳኔ ጌይንቲ ሃጊ ማዓንዳ ዋዛ ማሂ ከኤዚንቴ ባኮ ዴንቁኔ።

16 ዓሲ ጫአቃያ ፔ ጊዳፓ ዑሣ ባሺ ማዔ ባአዚ ዔኤሌ ጫአቃኔ፤ ዔያታ ጫአቃ ጫአቁማ ዔያቶ ባአካ ዓአ ጌኤዛ ጎናሳሢሮ ዔያቶኮ ማርማሢ ጋፓኔ።

17 ዬኖ ጎይያ ያኦሲ ጌዔ ባኮ ሺርሺ ላአሙዋያ ማዔሢ ዔርዛኒ ሃጊ ማዓንዳ ዋዛ ዴንቃ ዓሶም ዬያ ዋዛ ጫአቁዋና ጎናሴኔ።

18 ያኦሲ ፔቲታዎ ሉኡቁዋያኬ፤ ዒዚ ላምዎ ዬንሢ ላአሚንቲዋ ባኮንሢና ኑኡኮ ቤርታ ሃጊ ዓአ ዋዛ ኑ ዴንቃኒ ዒዛ ባንሢ ዓአሺንቲ ጌሌ ዓሶ፣ ኑም ዴኤፒ ዶዲም ዒዛፓ ዴንቃንዳጉዲ ኑና ማሄኔ።

19 ዬይ ሃጋአ ዋዛ ኑኡኮ ናንጎ ዓጊፀዋያ ማሃ ጉሙርሳ ቱርቱሪኬ፤ ዬይያ፡- ጎኡሶና ዓፒሎ ጊዴና ዓአዲ ጌኤኮ ማአሮኮ ጋራ ዓአ ጋሮ ጌላኔ።

20 ዬያ ጌኤኮ ማአሮ ዬሱሴ ሜልኬፃዲቁጉዲ፣ ቁኤሴ ማዒ ደኡሪንቲ ኑ ዛሎሮ ቤርታዲ ቁኤሴኮ ሲያ ዑሢ ማዒ ናንጊና ማዳኒ ዒኢካ ጌሌኔ።

6:8 ማኸ. ማፃ 3:17-18። 6:14 ማኸ. ማፃ 22:16-17። 6:19 ሊዊ. ዓከ 16:2።

7

ቄኤሳሢ ሜልኬግዲቄ ዛላ

1 ዬይ ሜልኬግዲቄ ጎረቤት ሳላሜ ጌይንታ ካታሞኮ ካኣቲ፤ ሃሃ ደኤፖ ጾኣዛሢ ማዳ ቄኤሴኬ፤ ዬይ ዓሢ ሚና ዓብራሃሚ ካኣቶ ጾሎና ባሺ፣ ማዒ ሙካንቴ ጎይፃ ካኣሚ ዓብራሃሚ ዓንጃኔ።

2 ዓብራሃሚና ዓሚና ዔኪ ሙኬ ባካፓ ታጳይዳፓ ፔቴማ ኬሲ ኬሲ ዒዛም ዒንጌ፤ ዒዛ ስንጾኮ ቡሊፃ ላምጾኬ፤ ፔቴዛ፡- «ጂሉም ካኣቲ» ጌይንታዛ፣ ባጋ፡- «ሳላሜ ካታሞ ካኣቲኬ»፣ ዬና ጌይፃ ኮሹሞ ካኣቲ ጌይሢኬ።

3 ሜልኬግዲቄኮ ዓደና ዒንደና ሃሃ ዒ ሸይንቴ ዜርሢያ ባኣያኬ፤ ዒዚ «ዬማፓ ዬማ ሂላንደኣና ናንጌኔ» ጌይንቲ ዔርቴዎያ፣ ናንጎኮ ዒዛኮ ጋፒንሢ ባኣያኬ፤ ዒዚ ጾኣሲ ናዓሢኮ ኮኣኪንሢ ማዒ ናንጊና ቄኤሴ ማዒ ናንጋኔ።

4 ሂንዳ ዬይ ዓሢ ዎማዒ ደኤፒታቴያ ዛፑዎቴ! ዒሰራዔኤሌ ማኣር ዓሶ ጾኦኮ ዓዳሢ ማዔ፣ ዓብራሃሚታፖ ዒዚ ጾሎና ደዒ ዔኬ ባከይዳፓ ታጳይዳፓ ፔቴማ ዒዛም ዒንጌ።

5 ቄኤሴ ማዓንዳፑዲ ጌሢንቴ ለዊ ዜርፃ ፔ ዓሶይዳፓ ታጳፓ ፔቴማ ፔቴማ ዔካንዳፑዲ ዔያቶም ዓይሢንቴኔ፤ ዬይ ያዲ ጌይንቴሢ ዓብራሃሚ ዜርፃፓ ዔካንዳፑዲኬ።

6 ዬይ ሜልኬግዲቄ ለዊ ዜርፃፓ ማዒ ባኣያታቴያ ዓብራሃሚ ዒንጌ ታጳሢዳፓ ፔቴማ ፔቴማ ዔኬኔ፤ ሃሃ ሃጊ ማዓንዳ ዎዛ ዒንጊንቴ ዓብራሃሚና ዒ ዓንጃኔ።

7 ዓንጃ ዓንጃንታሢዳፓ ዓንጃሢ ባሺ ማዒፃ ዔርቴያኬ።

8 ቄኤሳ ማዳ ጎይጾና ታጳፓ ፔቴማ ፔቴማ ዔካዘንሢ ሃይቃ ዓሲ ማዔ፣ ለዊ ዓሶኬ፤ ፔቴ ዛሎና ጊንሢ ታጳይዳፓ ፔቴማ ፔቴማ ዔካሢ ባይቁዎያ ማዒ ናንጋያታሢ ማርካዲንቴ ሜልኬግዲቄኬ።

9 ዓካሪ ታጳይዳፓ ፔቴማ ዔካንዳያ ኮይሳሢ ለዊ ፔ ቶኣኪና ዓብራሃሚ ዛሎና ሜልኬግዲቄም ዒንጌ፤ ጌይሢኬ።

10 ዎይቲ ጌዔቴ ሜልኬግዲቄ ዓብራሃሚና ካኣሚ ዎደና ለዊ ሃጊ ፔ ዓደ፣ ዓብራሃሚይዳፓ ሸይንቲ ባኣያታሢሮኬ።

11 ዓካሪ ዒሰራዔኤሌ ዴሮም ዎጋ ዒንጊንቴሢ ለዊ ዜርፃ ቄኤሴ ማዒ ማዳ ደምቦናኬ፤ ዬይ ዜርፃ ቢያ ባኮ ኮንሢ ማዳኒ ዳንዳዔያ ማዔያታቴ ዓኣሮኔ ቄኤሴ ማዒ ማዳ ጎይጾቱዎንቴ ሜልኬግዲቄፑዲ ደኣሪንቴ ሜሌ ቄኤሴ ሙካኒ ኮይሲንዲዎያታንቴኬ።

7:5 ገይ. ማፃ 18:21።

12 ሃሢ ጋዓንቴ ቄኤሳ ላአሚንቴ፥ ሜሌ ሙካኣና ዎጋኣ ላአሚንታንዳያ ኮይሳኔ።

13 ሃይ ቢያ ዒዛ ዛሎ ከኤዚንቴ ቄኤሳሢ ሜሌ ፃጳፓኬ፤ ዬና ፃጳፓ ያኦኒያ ያኦሲም ዒንጊ ካኣሸኮ ቤዛ ሙኪ ያኦሲም ማጳይ ባኣሴ።

14 ኑ ጎዳሢ ዪሁዳ ዜርፃፓ ሙኬሢ ዔርቴያኬ፤ ጋዓንቴ ሙሴ ቄኤሶ ዛሎ ከኤዛፃ ዪሁዳ ማኣር ዛሎ ከኤዜ ባኣዚ ፔቴታፃ ባኣሴ።

ዬሱሰ ከሪሰቶሴ ሜልኬፃዲቄጉዲ ቄኤሴ ማዔሢ

15 ዬይ ባካ ኮሺ ፔጋዲ ዔርታንዳሢ ሜልኬፃዲቄጉዲያ ሜሌ ቄኤሴ ሙካዛኬ፤

16 ዒዚ ቄኤሴ ማዔሢ ዓሲ ዎጌና ዶኦሪንቴቱዎንቴ ባይቁዎያ ማዔ፥ ናንጊና ናንጋ ዎልቄና ዶኦሪንቴኬ፤

17 ዎይቲ ጌዔቴ፡-
«ሜልኬፃዲቄ ቄኤሴ ማዔ ዶኦሪንቴሢ፡-
ኔኤኒ ናንጊና ናንጋንዳ ቄኤሴኬ»

ጌይንቴ ዒዛ ዛሎ ማርካዲንቴኔ።

18 ቤርታኣ ዎጋ ዶዲ ማዔ ዳዒኒ ዳንዳዒባኣሢሢ ሃሃ ፓሠዎያ ማዔሢር ዓቴኔ፤

19 ዓይጎር ጌዔቴ ሙሴ ዔርዜ ዎጋ ዓይጎ ባኣዚያ ፒዚሲ ጊኢጊሻኒ ዳንዳዒባኣሢርኬ፤ ሃሢ ጋዓንቴ ያኦሲ ባንሢ ዒዛና ኑ ዑካንዳያ ባሺ ኮሺ ማዔ፥ ሃጊ ማዓንዳ ዎዛ ኑም ሙኬኔ።

20 ዬይ ቄኤሴ ማዔፃ ዒዛም ያኦሲ ጫኣቁባኣንቴ ማዔያቱዎሴ፤ ሜሌ ቄኤሳ ጋዓንቴ ሃያኮ ቤርታ ቄኤሴ ማዔሢ ጫኣቆና ባኣዚ ባኣንቴኬ፤

21 ዒዚ ቄኤሴ ማዔሢ ዒዛም ጫኣቆምኬ፤ ዎይቲ ጌዔቴ፡-
«ጎዳ ኔኤኒ ናንጊና ናንጋ ቄኤሴኬ» ጌዒ ዒዛም ጫኣቄኔ፤
ዬያ ማሊፃ ዒ ሺርሹዎሴ»

ጌይንቴ ዒዛ ዛሎ ከኤዚንቴያኬ።

22 ዬያ ጫኣቁም ዛሎና ዬሱሴ ቢያፓ ባሺ ማዔ፥ ያኦሲ ጫኣቁምኮ ያኦጪንታኒ ዔቄያ ማዔኔ።

23 ፔቴ ቄኤሴ ሃይቁዎያ ማዲ ማዲ ናንጋኒ ዳንዳዒባኣሢሢ ቤርታ ዎንዴ ማዲ ቄኤሶኮ ፓይዳ ሚርጌኬ፤

24 ዬሱሴ ጋዓንቴ ናንጊና ናንጋያ ማዔሢር ቄኤሴ ማዔፃ ዒዛኮ ላአሚንቴዎያኬ።

7:17 ዓይኑ. 110:4። 7:21 ዓይኑ. 110:4።

25 ዬያሮ ዒዛ ባንሢ ሙካ ዓሶ ዛሎ ሺኢቃኒ ናንገና ባይቁዋያ ማዒ ናንጋሢሮ ዒዛ ዛሎና ጾኦሲ ባንሢ ሙካዞንሢ ሲያ ጎኔና ደቂሻኒ ዒ ደንደዓኔ።

26 ዓካሪ፤ ኦም ኮይሳያ፣ ጾኦሲም ደማዴያ፣ ቦሃሳ ባኣዚ ባኣያ ማዔያ፣ ጌኤሺ ማዔያ፣ ጎሞ ዓሶጋ ደማዴያ፣ ጫሪንጮኮ 0-9 ዴግ ጌዒ ቦንቸንቴያ፤ ያዲ ማዔ፣ ቁኤሴኮ 0-ሢ ማዔያኬ ኦም ኮይሳሢ።

27 ዒዚ ሜሌ ቁኤሶኮ 0-9 ማዔ ዓሶጉዲ ቤርታዲ ፔ ጎሞ ዛሎሮ፣ ዬካጋ ዴሮ ጎሞ ዛሎሮ ሲያ ኬሊና ጾኦሲም ዒንጎ ባኮ ዒንጋኒ ዒዛ ኮይሱዋያኬ፤ ዓይጎሮ ጌዔቴ ዒዚ ፔና ዒንጎ ባኣዚ ማሢ ዒንጌ ዋዶና ዬይ ባካ ላሚ ማይ ማዲንቱዋጉዲ፣ ፔቴና ማዲ ዬያ ከንሢሢሮኬ።

28 ሙሴ ዔርዜ ዋጋ ቁኤሶኮ 0-9 ማሢ ደኦራሢ ላቤያ ማዔ ዓሶኬ፤ ዋጎኮ ገንፃጋ ሙኬ ጾኦሲ ጫኣቁማ ጋዓንቴ ናንገና ናንጋያ ማዔ፣ ፒዜ ጾኦሲ ናዓሢ ደኦራኔ።

8

ዬሱሴ ዓኮ ጫኣቁሞኮ ዴኤፒ ቁኤሴ ማዒያ

1 ኦኦኒ ሃሢ ጌሰታ ባኮኮ ዴኤጋ ባካ ሃያኬ፤ ዬይያ፡- ጫሪንጮይዳ ዴኤጋ ጾኦዛሢ ካኣቱሞ ያይቶኮ ሚዛቆ ዛላ ቦንቸንቴ ዴዔያ፣ ቁኤሴኮ ሲያ 0-ሢ ማዔያ ኦኦኮ ዓኣያ ማዔሢ ዛሎኬ።

2 ዒዚ ማዲሢ ጎኔ ማዔ፣ ዓፒላጋ ማኸና ማኣሮይዳኬ፤ ዬያ ዓፒላጋ ማኸና ማኣሮ ደቁሢ ዓሲቱዋንቴ ጾኦሲኬ።

3 ፔቴ ፔቴ ቁኤሶኮ 0-9 ማዔ ዓሶ ደኦሪንታሢ ጾኦሲም ዒንጎ ባኮ ዒንጋኒኬ፤ ዬያሮ ዬያ ቁኤሶኮ ፔቴ ዒንጎ ባኣዚ ዋይቴቴያ ዓኣያ ማዓኒ ኮይሳኔ።

4 ዒዚ ሳይደታቴ ቁኤሶኮ 0-ሢ ማዔንዲዋያታንቴኬ፤ ዓይጎሮ ጌዔቴ ሙሴ ዔርዜ ዋጎ ጎይያና ዒንጎ ባኮ ጾኦሲም ዒንጎ ሃንጎ ቁኤሳ ዓኣሢሮኬ።

5 ዔያታ ማዲሢ ጫሪንጫ ማዲንታ ባኮኮ ኮኣኪንሢ ማዔያና ዬያ ባኮኮ ሺቢ ማዔያኬ፤ ዬይያ፡- ሙሴ ዓፒላጋ ማኸንቴ ማኣሮ ኮሻኒ ጌዔ ዋዶና ጾኦሲ፡- «ዲኮይዳ ኔኤም ጴዴም፣ ኔ ዛጌ ጎይያ ሲያ ባኮ ኮሻ ዛገ ማዴ» ጌዒ ዓይሢ ጎይያናኬ።

6 ሃሢ ጋዓንቴ ዬሱሴ ጾኦሲና ዓሲናኮ ባኣካ ማዔ፣ ጫኣቁማ ቤርታኣሰካጋ ባሻ ማዔሢጉዲ ዒ ሃሢ ማዲ ማዲኣ ዔያቶ

7:27 ሌዊ. ዓኬ 9:7። 8:1 ዓይኑ. 110:1።

ማደይዳፓ ባሽከ፤ ዬይ ዓርቁንቲ ማደንታህ ሚርገና ኮሺ ማዔ፤
ዒንጊንቲ ሃጊ ማዓንዳ ዋዞ ቃኣሎናኬ።

7 ዋንዳኣ ጩኣቁሞይዳ ፔቲታ? ፓጩ ባኣዚ ባኣያ ማዔያታቲ
ላምዓሳ ጩኣቁማ ሃህ ኮይሲንዲ ሞያታንቲኬ።

8 ዓይጎር ገዔቲ ያኦሲ ዳርይዳ ፓጩ ባኣዚ ዓኣህ ዳንቁህር፤
«ዓካሪ ታኣኒ ዒሰራዔኤሌ ዳርና ዪሁዳ ዳርና ዋላ

ዓከ ጩኣቁሞ ጩኣቃንዳ ዋዳ ሙካንዳኔ፤ ገዔኔ።

9 ዬይ ጩኣቁማ ዔያቶ ታ ጊብፆይዳፓ

ኩጩ ዔያቶኮ ዓርቁ ኬሴ ዋደና

ዔያቶኮ ዓደንህና ዋላ ታ ጩኣቁ ጩኣቁሞጉዲቱሞሴ፤

ዓይጎር ገዔቲ ዔያታ ታኣኒ ጩኣቁ ጩኣቁሞ ደዲ ካፒባኣህር

ታ ዔያቶ ቶኦዳ፡፡ ዙሌ ዔያቶም ገህኔ።

10 ዓካሪ ሃካፓ ሴካ ዒሰራዔኤሌ ዳርና ዋላ

ታ ጩኣቃንዳ ጩኣቁማ ያዲኬ፤ ጋዓኔ ጎዳ።

ታኣኒ ታ ዋጎ ዔያቶ ዒና ገህንዳኔ፤

ዔያቶኮ ማሊያይዳ ታ ያኣፓንዳኔ፤

ታ ዔያቶኮ ያኦዛህያ ማዓንዳኔ፤

ዔያታ ታ ዳሬ ማዓንዳኔ።

11 «ያኦሲ ዔሬ» ገዒ ፔ ዓጩ ዓሲም ማዖም

ፔ ገርሲምታቲያ ዔርዛንዳይ ባኣሴ፤

ዓይጎር ገዔቲ ዳኮ ዓሶ ገይንታሰካፓ ዳንዲ ዳኤፖ ሄላንዳኣና

ቢያህ ታና ዔራንዳኔ።

12 ዔያቶኮ ዳቢንቶ ታ ዓቶም ጋዓንዳኔ፤

ጎሞዋ ዔያቶኮ ሃካፓ ሴካ ታ ዋላንዳኔ» ጎዳ ጋዓኔ።

13 ዓካራ፡- «ዓከ ጩኣቁሞ» ገይያና ቤርታኣ ጩኣቁሞ ጨንቁያ
ማህኔ ገይህኬ፤ ዬያር ማዲ ጨንቁ ባካ ቢያ ባይቃንዳ ዋዳ ዑኬኔ።

9

ሳዓ ያኦሲ ካኣሽኮ ጎይያና ጩሪንጫ ካኣሽኮ ጎይያ ዛላ

1 ሚናኣ ጩኣቃህኮ ያኦሲ ካኣሽኮ ጎይህና ዬያኮ ሳዓ ማዢንቲ
ገኤሽ ማኣሪያ ዓኣኔ።

2 ዬይ ማዢንቲ ማኣራ ላምዖ ጋርሲ ዓኣ ዓፒላና ማዢንቲ
ማኣሪኬ፤ ዬኖኮ ቤርታሳ ጋርይዳ ዳጌ ሎኦኩ ያይታንታ፡ ፖዒ
ገህ ሻርናንታ ያኦሲም ዒንጊንቲ ካህንታ ገህንታያኬ፤ ዬና ቤዛ
«ያኦሲም ዲማዳ ጋርሲ» ገይንታኔ።

8:8 ዔ.ር. 31:31-34። 9:2 ኬሲ. ማፃ 26:1-30፤ 25:31-40።

3 ላምዓሳ፡ ጎኑቦ ዓፒሎኮ ሶንጌኖ ጋራ ሜሌ ጋርሲ ዓኣኔ፤ ዬና ጋሬላ «ዑሣ ዓኣዳ ያኦሲም ዲማዳ ጋርሲ» ጌይንታኔ።

4 ዬኖ ጋሬሎይዳ ዑንጅ ጨቢሶ ቤዞንታ ዋርቆና ዑፃ ጳርቂንቲ ታኣቦቶንታ ዓኣኔ፤ ዬኖ ታኣቦቴሎ ጋራ «ማና» ጌይንታ ሙኡዚ ዓርቂያ ዋርቂፓ ኮሺንቲ ሌማቴንታ ዓኣዒ፡ ቶሺ ዓኣ ዓኣሮኔ ኮኦኦንታ ያኦሲኮ ጫኣቁማ ፃኣፒንቲ ዓኣ ሹጮ ቆኣቂ ፃኣፖና ዓርሲንቲ ሹጫኣ ዓኣኔ።

5 ታኣቦቶ ዑፃ ዓኣ፡ ጎሞ ጌኤሺያ ዔርዛ ጉኡፖ ጋኣዞና ካንቃ ቦንቺንታ ከሩቤሌ ጌይንታዞንሣ ዓኣኔ፤ ጋዓንቲ ዬያ ባኮ ኑ ቢያ ፓይዲ ፓይዲ ከኤዚ ጋፒሳኒ ዳንዳዑዋሴ።

6 ቢያ ባካ ያዲዲ ጊኢጌሣኮ ጊንፃ ቄኤሳ ማዳ ማዳ ማዳኒ ዓፒሎና ማዢንቲ ማኣሮኮ ቤርታሳ ጋሬሎ ቢያ ከሌ ጌላኔ።

7 ሶንጌኖ ጋራ ዓኣ ላምዓሳ ጋሬሎ ጌላሣ ቄኤሶ ቢያኮ ሱኡጋሣ ሌሊኬ፤ ዒዚ ጌላሣ፡- ሌዔይዳ ፔቴና ሌሊኬ፤ ዒዚ ፔ ጎሞና ዴራ ዔሩዋያ ማዳ ጎሞሮ ያኦሲም ዒንጎ ሱጉሣ ዔኩዋኣያ ዒኢካ ጌሉዋሴ።

8 ዓፒሎና ማዢንቲ ቤርታሳ ማኣሬላ ዓኣ ጎይሣ ዓኣንቲ ዑሣ ዓኣዳ ያኦሲም ዲማዳ ቤዜሎ ባንሣ ዔኪ ጌልዛ ጎይፃ ሃጊ ፔጋዲ ዔርቲባኣያ ማዒያ ዓያኖ ጌኤዣ ዳዋኔ።

9 ዬይ ሃሣኣ ዋዶኮ ኮኣከንሣኬ፤ ዬያ ጎይፃና ያኦሲም ዒንጊንታ ዒንጊያ ዒንጋ ዓሣኮ ዒኖ ጌኤሺ፡ ፒዚሳኒ ዳንዳዑዋሴ፤

10 ዬይ ቢያ ዓኮ ማዳ ሙካንዳያ ሄላንዳኣና ማዲንታንዳ ዓጪ ዳሞቤኬ፤ ዬንሣ ባካ ሙኡዚና ዑሺና ዛላ ሃሣ ዲማ ዲማ ዑሣ ጌኤሺሣ ዛላ ማዲንታ ዳሞቤ ሌሊኬ።

11 ጋዓንቲ ከሪሰሶቶሴ ሃሣ ማዲንታ * ኮዣ ባኮኮ ቄኤሶ ቢያፓ ዑሣ ማዒ ሙኡኔ፤ ዓፒሎና ማዢንቲ፡ ዒዚ ጌሌ ማኣራ ዳኤፒ ሃሣ ፓጩ ባኣዚ ባኣያኬ፤ ዬና ማኣራ ዓሲ ማዢባኣያ ሃሣ ጊንሣ ሃያ ዓጮ ባኣዚና ማዢንቲባኣያኬ።

12 ዒዚ ዑሣ ዓኣዳ ያኦሲም ዲማዳ ጋሬሎ ላሚ ማዲሱዋ ጎይሣ ፔ ሱጉያ ዔኪ ጌሊ ኩንሣያፓዓቴም ዋኣሮና ዚኖ ጌማቶ ሱጉያ ዔኪ ጌሊባኣሴ፤ ዬያይዲ ናንጊና ዳቂንታ ኑም ዒ ጴዲሹኔ።

9:3 ከሲ. ማፃ 26:31-33። 9:4 ከሲ. ማፃ 30:1-6፤ 25:10-16፤ 16:33፤ ፓይ. ማፃ 17:8-10፤ ከሲ. ማፃ 25:16፤ ላሚ. ዋማ 10:3-5። 9:5 ከሲ. ማፃ 25:18-22።
9:6 ፓይ. ማፃ 18:2-6። 9:7 ሌዊ. ዓከ 16:2-34። * 9:11 ሃሣ ማዲንታ፡- ጋዓዞ ፔቴ ፔቴ ማፃኣፓ «ሃጊ ሙካንዳሣኮ» ጋዓኔ።

13 ዋኦርና ጌማቶ ዚዮ ሱጉያ ሃሃ ቢዲንሢ ማሂ ሚቾ ባኣቶ ማራሢ ቢዲንያ ዳቢንቴ ዒኢቲ ዓሶ ዑያይዳ ፑጨፃ ዔያታ ዓሽኮና ማዲ ዳቢንቴ ዒኢቲያይዳፓ ጌኤሺ ያኦሲም ዔያቶ ዲማሳያ ማዔቴ።

14 ናንጊና ናንጋ ዓያኖ ዛሎና ፔና ደንኪሳ ባኣዚ ባኣ፡ ያኦሲም ዒንጎ ባኣዚ ማሂ ፔና ዒንጌ፡ ኪሪሰቶሴኮ ሱጉያ ባይቁዎ ያኦዛሢም ኑ ማዳንዳጉዲ ኑኡኮ ዒኖ ዬያ ሃይቄያ ማዔ ማዳይዳፓ ዑሃ ዓኣዴ ዎዚ ጌኤሻንዳይ!

15 ዔኤሊንቴዘንሢ ያኦሲ ሃጊ ማዓንዳ ዎዘና ዒንጌ ናንጊና ናንጎ ቤዘ ዴንቃንዳጉዲ ኪሪሰቶሴ ያኦሲና ዓሲናኮ ባኣካ ዓኮ ጫኣቁዎ ጊኢጊሺሢሢ ማዔኔ፤ ዬይ ያዲ ማዔሢ ዓሳ ቤርታኣ ጫኣቁዎ ዎጎ ጎይያ ናንጌ ዎዶና ማዴ ጎሞይዳፓ ዳቁሻኒ ዔያቶ ዛሎ ዒዚ ሃይቄሢሮኬ።

16 ዔልቃሚ ዔልቃሚንቴቴ ዔልቃሚ ዓሢ ሃይቄያ ማዒፃ ዔርታኒ ኮይሳኔ፤

17 ዓይጎር ጌዔቴ ዔልቃሚ ዔልቃሚ ማዒሢ ዔልቃሚ ዓሢ ሃይቄቶኬ፤ ዔልቃሚ ዓሢ ሽምፔና ዓኣቲ ዬና ዔልቃሚ ጉሪ ማዒኔ።

18 ዬያ ጎይያ ቤርታኣ ጫኣቁማታዎ ሱጉሢ ባኣያ ጎኔ ጫኣቁዎ ማዑዎያኬ።

19 ሙሴ ያኦሲ ዒንጌ ዓይሢያ ቢያ ቤርታ ዳሮዎ ኬኤዜሰካፓ ጌማቶ ዚዮና ዋኦር ሱጉያናይዳ ዎኣሢ ዎሂ፡ ዎጎ ማፃኣፖና ዳሮ ዑያናይዳ ቢያ ሂሶጼ ዒላኮና ዙቄ ማራቶኮ ጋፓኖና ዔኪ ዔኪ ፑጨኔ።

20 ዒዚ ፑጨሢያ፡- «ያኦሲ ዒንሢ ካፓንዳጉዲ፡ ዒንሢ ዓይሢ ጫኣቁዎ ሱጉያ ሃያኬ» ጌይኬ።

21 ዬኖ ጎይያ ዓፒሎና ማኸንቴ ማኣሮንታ ጋራ ማዴ ማሆ ቢያሢዳ ሱጉያ ዒ ፑጨኔ።

22 ጎኔ ሙሴ ዔርዜ ዎጎና ዳካ ባኣዚዳፓ ዓታዛ ቢያ ባካ ሱጉሢና ጌኤሽካኔ፤ ሱጉሢ ላኣሊንቴባኣንቴ፡ ጎሜ ዓቶም ጌይንቴዎያኬ።

ኪሪሰቶሴኮ ዒንጎ ባኣዚ ማዒ ዒንጊንቴፃ ጎሜ ጌኤሻያ ማዒፃ
23 ጫሪንጫ ማዳንታ ባኮኮ ኮኣኪንሢ ማዔ ባካ ቢያ ዬያ ዎጎና ያዳይዲ ጌኤሽካያ ማዔኔ፤ ጫሪንጫ ባካ ጋዓንቴ ዬያፓ ዑሃ ዓኣዴ፡ ያኦሲም ዒንጎ ባኣዚና ጌኤሽካኒ ኮይሳኔ።

9:13 ለዊ. ዓክ 16:15-16፤ ፓይ. ማፃ 19:9፤17-19። 9:20 ኬሲ. ማፃ 24:6-8።
9:21 ለዊ. ዓክ 8:15። 9:22 ለዊ. ዓክ 17:11።

24 ኪሪሰቶሴ ጎኔ ማዔ፥ ያኦሲም ዲማዴያ ማዔ ጋሬሎኮ ኮኦኪንሢ ማዔያ ሃሣ ዓሲ ማዜ ጋሬሎ ጌሊባኦ፤ ጋዓንቴ ዒዚ ሃሣ ኑ ጋይቴ ያኦሲ ቤርቶይዳ ዔቃኒ ጎኔና ዑሣ ዓኦጳ ያኦዛሢም ዲማዴያ ማዔ፥ ጫሪንጮ ዓኦጳ።

25 ዓይሁዶ ዓሶኮ ቁኤሶ ሱኡጋሢ ፔ ሱጉሢ ማዒባኦ ሱጉሢ ዔኪ ሌዓ ሌዓ ዑሣ ዓኦጳ ያኦሲም ዲማዴ ቤዛ ጌላያኮ፤ ኪሪሰቶሴ ጋዓንቴ ፔና ማርጌ ዎዴ ሺርሺ ሺርሺ ዒንጎ ባኦዚ ማሂ ዒንጋኒ ዒኦኪ ጌሊባኦ።

26 ያዲ ማዔያታቴ ዓጫ ማዜንቴማፓ ዓርቃያ ማቶ ዔኪ ዔኪ ናንጋንዲያ ዒዛም ኮይሳንዲያታንቴኮ፤ ሃሢ ጋዓንቴ ዎዶኮ ጋፒንያይዳ ጎሜ ጌኤሻኒ፥ ፔና ያኦሲም ዒንጎ ባኦዚ ማሂ ዒንጋኒ ላሚንቴዎ ጎይሢ ፔቴና ሙኪ ጴጴ።

27 ዓሲ ፔቴና ሃይቁ፥ ዩካፓ ጋፒንሢ ዎጌም ሺኦኪንዳጉዲ ጌይንቴያኮ።

28 ዩያጉዲ ኪሪሰቶሴ ማርጌ ዓሶኮ ጎሞ ጌኤሻኒ ፔቴና ሃይቁ፤ ላሚ ዓሲኮ ጎሞ ፔ ዑፃ ማሃኒቴዎንቴ ጉሙርቂ ዒዛ ካፓዝንሢ ሃይቢፓ ዓውሳኒ ላሚሢ ዒዚ ሙካንዳ።

10

1 ሙሴ ዔርዜ ዎጋ ሃጊ ሙካንዳ ኮዦ ባኮኮ ኮኦኪንሢ ማዓንዳኦታዓቴም ጎኔ ዩያ ኮዦ ባኮቴዎሴ፤ ዩያር ሌዓ ሌዓ ቢያ ዎዴ ያኦሲም ዒንጊንታ ባካ ዒንጋ ዓሶ ጌኤሺ፥ ፒዚሳኒ ዳንዳዑዎሴ።

2 ዩይ ዎጋ ዎንዴ ጌኤሺ፥ ፒዚሳኒ ዳንዳዓያ ማዔቴ ዔያታ ያኦሲም ዒንጎ ባኮ ሃሺያ ናንዳንቴኮ፤ ዎይቴ ጌዔቴ ካኦዦር ጌላ ዓሳ ላሚሱዎ ጎይሢ ጎማፓ ጌኤሽኬያ ማዓንዳሢር ዔያቶ ዒኖይዳ ጎሜ ዔያቶኮ ባኦያ ማዔሢ ዔያቶም ዔርታንዳ።

3 ዩይ ያኦሲም ዒንጎ ባካ ጋዓንቴ ሌያይዳ ሌያይዳ ዔያቶኮ ጎሞ ጳቂሣያኮ።

4 ዎይቴ ጌዔቴ ጌማቶ ዚኖና ዎኦርናኮ ሱጉፃ ጎሜ ጌኤሻኒ ዳንዳዑዎኦሢርኮ።

5 ዩያር ኪሪሰቶሴ ዓጮ ሙኬ ዎዶና፦

«ኔኤኒ ኔኤም ዒንጎ ባኦዚ ኮይባኦ፤

ጋዓንቴ ኔ ታኦም ዓሲ ዑሣ ዒንጌ።

6 ኔኤም ማቶ ዒንጎ ባኮና

ጎሜ ጌኤሻኒ ዒንጎ ባኮናኦ ኔ ዎዛዲባኦ፤

7 ዩማና ታ፦

9:28 ዒ.ሲ. 53:12። 10:5 ዓይኑ. 40:6-8።

ታ ያክዛሢዮ! ማፃኣፖይዳ ታ ዛሎ ፃኣፒንቴሢፖይዳ

ኔ ማሊዖ ኩንሢሢ ሃይሾ ታ ሙኩኔ» ጌዔኔ።

8 ዎጋ ዩይ ማዲንታንዳጉዲ ዓይሢቴያ ዒዚ ጋዓንቴ ቤርታ፡-
«ያኦሲም ዒንጎ ዲማ ዲማ ባኩንታ ሚቺ ዒንጎ ባኩ፣ ዩያጉዲ ሃሣ
ጎሞ ዛሎ ዒንጎ ባኩዎ ኔ ኮይባኣሴ፤ ዩያና ሃሣ ኔ ዎዛዲባኣሴ»
ጌዔኔ።

9 ዩካፓ ሃሣ፡- «ሃይሾ ኔ ማሊዖ ኩንሢሢ ታ ሙኩኔ» ጌዔኔ፤ ዩያይዲ
ላምዓሶ፣ ያኦሲም ዒንጎ ጎይያ ቤዞ ጌልዛኒ ቤርታ ያኦሲም ዒንጎ
ጎይያ ላኣሜኔ።

10 ዩሱሰ ከሪሰቶሴ ፔ ዑዎ ላሚ ዒንገንቴዎ ጎይሢ ፔቴና ያኦሲም
ዒንጎ ባኣዚ ማሂ ሺኢሹሢሢ ጉኡኒ ያኦሲም ዲማዴያ ማዔኔ፤ ዩኖ
ያኦሲ ዒ ማዲንዳጉዲ ኮዔ ማሊዖኩ።

11 ፔቴ ፔቴ ዓይሁዶ ዓሶኮ ቄኤሳ ጎሜ ጌኤሻኒ ዳንዳዑዎ ዩንሢ
ዒንገያንሢ ቢያ ኩሊ ዒንገ ዒንገ ዓቱዎ ማዲኔ።

12 ከሪሰቶሴ ጋዓንቴ ናንገና ዒንገንቴያ ማዓ፣ ዒንገያ ፔቴና
ዒንገሰካፓ ያኦሲ፣ ዓዳሢኮ ሚዛቆ ዛላ ቦንቺንቴ ዴዔኔ።

13 ዩማፓ ዓርቃያ ዴንዲ ዒዛኮ ሞርኮ ያኦሲ ዒዛ ባሺሳንዳያ
ሄላንዳኣና ዒኢካ ዴዒ ዒ ካፓኔ፤

14 ዓይጎር ጌዔቴ ያኦሲም ዲማዴዛንሢ ፔቴና ያኦሲም ዒንጎ
ዒንገያ ዛሎና ናንገና ዔያቶ ዒ ጌኤሹ፣ ፒዚሴሢሢ።

15 ዓያኖ ጌኤዛ ዩያ ባኮ ዛሎ ኑም ማርካዲያ ቤርታዲ፡-

16 «ዩካፓ ታ ዔያቶና ዎላ ጫኣቃንዳ ጫኣቁማ ያዲኩ፤

ታኣኮ ዎጎ ዒና ታ ዔያቶኮ ጌሣንዳኔ፤

ማሊዖይዳኣ ታ ዔያቶኮ ፃኣፓንዳኔ።»

17 ሃሣ፡-

«ዔያቶኮ ጎሞንታ ፑርቶ ማዲንታ ሃካፓ ሴካ ታ ጳቂሣዓኩ»

ጎዳ ጋዓኔ፤ ጌዔኔ።

18 ዩያር ጎሜ ጌኤሽኩሢኮ ጊንፃ ጎሜ ጌኤሻኒ ያኦሲም ዒንገንታ
ዒንገሢ ዓታንዳኔ።

ያኦሲ ባንሢ ኑ ሙካንዳያ ኮይሳያ ማዒያ

19 ዓካሪ ታ ዒሾንሣ! ታ ሚሾንሣ! ዩሱሴ ሱጉያ ዛሎና ያኦሲም
ዑሣ ዓኣዴ ዲማዴ ጋሬሎ ጌልዛንዳ ጉሙርሳ ባኣዚ ኑ ዴንቄኔ፤

20 ኑኡኒ ጌላንዳሢ ጎኡቦ ዓፒሎይዴና ጌይፃ፣ ዒዛኮ ዑዎ ጊዴና
ዒ ኑም ቡሌ፣ ዓኪ ሃሣ ናንገና ናንጋያ ማዔ ጎይያናኩ።

10:11 ኬሲ. ማፃ 29:38። 10:13 ዓይኑ. 110:1። 10:16 ዔር. 31:33።
10:17 ዔር. 31:34።

21 የኦሲ ማኦር፣ ጩሪንጮሲዳ ቢታገቶ ዓኣ ጴኤፒ ቄኤሴ ኦኡኮ ባኣኔ፤

22 ዬያር ኦኡኮ ፑርቶ ዒና ጌኤሽካንዳጉዲ ዒኖ ፑጩንቲ፣ ዑዖዎ ኦኡኮ ጌኤሽ ዋኣሢና ማሰቲ፣ ፒዜ ዒናና ሃሣ ጎኔ ጉሙርቂሢና ያኦሲ ባንሢ ኦ ሙኮም።

23 ኦም ሃጊ ማዓንዳ ዎዞ ቃኣሎ ዒንጌ ያኣዛሢ ጉሙርቂንታያ ማዔሢረ ሃሢ ኦ ጉሙርቂ ማርካዳ፣ ሃጊ ማዓንዳ ዎዞ ዶዲሺ ኦ ባርቆም።

24 ናሹሞና ኮሺ ማዶ ማዲሢና ጴጩ ኦ ናንጋንዳጉዲ ፔቲይ ባጋሢ ጴቻያ ማዖንጎ።

25 ቢያ ዎዳ ዎላ ኦ ካኣሚ ካኣሚ ዎሊ ኦ ዶዲሸም፤ ጋዓንቲ ፔቲ ፔቲ ዓሳ ማዳ ጎይያ ኦኡኮ ዎላ ቡኪንታ ቡኪንቶ ኦ ሃሺባኣያታቲ ቃራኬ፤ ጎዳኮ ሙኮ ኬላ ዑኬሢ ዒንሢ ዛጋያታሢረ ዬያ ባኮ ዑሣ ባኣጴ ማዲዎቲ።

26 ጎኔ ማዔ ባኮ ኦ ዔሬሢኮ ጊንፃ ዔሬያ ኦ ጎሜ ማዳቲ ሃካፓ ሴካ ጎሜ ዛላ ያኦሲም ዒንጊንታንዳ ባኣዚ ዓይጌያ ኦም ባኣሴ።

27 ጋዓንቲ ኦና ካፔሢ ሃጊ ሙካንዳ፣ ዒጊቻ ያኦሲኮ ዎጊያና ዒዛ ዒዓ ሞርኮ ዒ ሚቻንዳ ዒጊቻ ጴኤፖ ታሞናኬ።

28 ሙሴ ዔርዜ ዎጎ ዳቤ ዓሲዳ ለምዖ ሃንጎ ሃይሠ ዓሲ ማርካዳቲ ሃሺሢ ባኣያ ዬያ ዓሢ ዎዎዶ።

29 ዬይ ያዲ ማዓያ ማዔቲ ያኦሲ ናዓሢ ቦሃሢ፤ ሃሣ ያኦሲም ዲማዳ ጩኣቁሞ ሰጉዖ ፓሠዎ ባኣዚ ማሢ ዛጌሢ፤ ጊንሣ ሃሣ ኮሹሞና ዒንጊንቲ ዓያኖ ጩሽኬሢ ዎማዲ ፑርታ ዎጌ ሄላንዳያ ዒንሢም ማላይ?

30 ዎይቲ ጌዔቲ፡- «ኮሜ ዔካሢ ታናኬ፤ ኮሞ ታ ማሃንዳኔ» ጌዔሢ ፆና ማዔቲያ ኦ ዔራኔ፤ ዬያጉዲ ሃሣ፡- «የኦሲ ፔ ዳርይዳ ዎጋንዳኔ» ጋዓ።

31 ናንጊና ናንጋ ያኣዛሢና ዎጊንቲሢ ሚርጌ ዒጊቻያኬ።

32 ፖዓ ዒንሢም ፖዔሢኮ ጊንፃ ሚርጌ ሜቶ ዒንሢ ዔከ፣ ዳንዳዒ ዓኣሢ፣ ዬንሢ ቤርታኣ ዎዶንሢ ማሊ ጴቂሠዎቲ።

33 ፔቲ ፔቲ ዎዳና ዓሲ ቤርቲዳ ዒንሢ ጩሽኪንቲኔ፤ ሚርጌ ሜቶዎ ዒንሢ ዛጌኔ፤ ሃሣ ዬያጉዳ ሜታሢ ሄሌ ዓሶና ዎላ ፔቲ ማዒ ዔያቶ ሜታሢ ዒንሢያ ዔኬኔ።

10:22 ለዊ. ዓከ 8:30፤ ሃዚ. 36:25። 10:27 ዒሲ. 26:11። 10:28 ለሚ. ዎማ 17:6፤ 19:15። 10:29 ኬሲ. ማፃ 24:8። 10:30 ለሚ. ዎማ 32:35-36።

34 ዒንሢሂ ባሼ ኮሺ፣ ሃሣ ቢያ ዎዴ ናንጋ ቆሎ ጫሪንጮይዳ ዓአሢ
ዔሪሢሂሮ ቱኡቱ ዓሶ ሚጪንቲ ዒንሢሂ ማአዴኔ፤ ቆላ ዒንሢሂኮ ቡሪንቲ
ዔውቱ ዎዴና ዎዛና ዒንሢሂ ዬያ ጊቢ ዳንዳዔኔ።

35 ዓካሪ ዬያ ዒንሢሂ ማዴሢ ዛሎ ዒንጎንዶ ዴኤፖ ባኮ ዴንቃኒ
ጉሙርቂ ዒንሢሂ ጫርቃ ጫርሹሞ ሃሺፖቱ።

36 ያኡሲኮ ማሊያ ኩንሢ ያኡሲ ዒንሢሂሞ «ዒንጋንዳኔ» ጌዒ
ጫአቂ ባኮ ዴንቃኒ ዶዳንዳያ ዒንሢሂሞ ኮይሳኔ።

37 ዓይጎሮ ጌዔቱ፡-
«ሙካኒ ኮይሳሢ ዳካ ዎዴኮ ጊንፃ ሙካንዳኔ፤
ኔጊንዲሞሴ፤

38 ዲሎ ዓሲ ጋዓንቱ ጉሙርቂሢና ሹሞፖ ዴንቃንዳኔ፤
ጊንሢሂሞ ሎኦሹቱ ጋዓንቱ
ዬይ፣ ታና ዎዛሳያቱሞሴ»
ጌይንቲ ፃአፒንቲኔ።

39 ጋዓንቱ ኦኡኒ ጉሙርቂ ዳቃ ዓሶ ዛላ ማዔያኬ፤ ጊንሢሂሞ ሎኦሺ
ባይቃ ዓሶ ዛላ ማዔያቱሞሴ።

11

ጉሙርቂሢ

1 ጉሙርቂሢ ጌይሢ ሃጊ ማዓንዳ ዎዛ ጌሢ ኑ ካፓ ባኮ ኑ
ዴንቃንዳያታሢ ዔሪሢሂ፤ ሃሣ ኑ ዛጊባአ ባኮ ዓአያ ማሢ ዛጊሢኬ።

2 ቤርታአ ዓሶም ማርካዲንቲሢ ዔያታ ጉሙርቂሢሮኬ።

3 ሳዎንታ ጫሪንጮንታ ጊዳ ዓአ ባካ ቢያ ያኡሲ «ማዎንጎ»
ጌዔሢና ማኸንቲያ ማዔሢ ኑ ዔራሢሂ ጉሙርቂሢናኬ፤ ዬያሮ ኑሞ
ሃሢ ጴዳ ባካ ቢያ ጴዳሞ ባአዚዳፓ ማኸንቲሢ ዬያና ኑ ዔራኔ።

4 ዓአቤኤሌ ቃአዔኤሌ ያኡሲሞ ዒንጌ ዒንጊይይዳፓ ባሻያ
ያኡሲሞ ዒንጌሢ ጉሙርቂሢናኬ፤ ያኡሲ ዓአቤኤሌ ዒንጌ
ዒንጊያ ዎዛና ዔኬ ዎዴና ዓአቤኤሌ ጉሙርቂያና ዲሎ ማዔሢ
ማርካዲንቲኔ፤ ዓአቤኤሌ ሃይቂያ ማዔቲያ ሃሮ ሄላንዳአና ዒዛኮ
ጉሙርቂያ ዛሎና ዒ ኬኤዚ ኬኤዚ ዓአኔ።

5 ሄኖኬ ሃይቢ ሃይቂሞጉዲ ሌካ ጫሪንጮ ዔውቲሢ ዒ
ጉሙርቂሢሮኬ፤ ያኡሲ ዒዛ ዔኬሢሂሮ ዒ ጴዳባአሴ፤ ዒ
ዔውታንዳሢኮ ቤርታ ያኡሲ ዒ ዎዛሴያ ማዔሢ ማርካዲንቲኔ።

6 ጉሙርቂሢ ባአንቲ ያኡሲ ዎዛሳኒ ዳንዳዒንቲሞሴ፤ ዓይጎሮ
ጌዔቲ ያኡሲ ባንሢ ሙካሢ ያኡሲ ዓአያ ማዔሢና ዒዛ

10:38 ዓምባ. 2:3-4። 11:3 ማኸ. ማፃ 1:1፤ ዓይኑ. 33:6-9፤ ዮሃ. 1:3።
11:4 ማኸ. ማፃ 4:3-10። 11:5 ማኸ. ማፃ 5:21-24።

ዒናፓ ኮዓዘንሢም ዒ ዒንጋንዳ ባአዚ ዓአሢ ጉሙርቃንዳያ ኮይሳሢርኬ።

7 ሃጊ ጴዳባአ ባኮር ያኦሲ ላቲ ዒዛም ኬኤዜ ዎድና ኖሄ ያኦሲ ዒጊጨሢና ማአሮ ዓሶ ዳቁሻኒ ዋአዎ ካአሚሎ ኮሼሢ ጉሙርቁሢናኬ፤ ዬያ ጉሙርቁያና ዓጮ ዓሶ ቢያ ዳቢንቴያ ማሂ ዒዚ ሃሼኔ፤ ጉሙርቁያና ጴዳ ጂሉሞዎ ዒ ዴንቄ።

8 ዓብራሃሜ ፔ ዓጪ ማሂ ዔካንዳ ቤዞ ዓአዳንዳጉዲ ያኦሲ ዒዛ ዔኤሌ ዎድና ዓንኮ ዓአዳቴያ ዔሪባአያታዎ «ዔኤዔ» ጌዒ ዓይሢንቲ ዓአዳሢ ጉሙርቁሢናኬ።

9 ሃሃ ዒዛጉዲ ሃጊ ማዓንዳ ዎዞ ዴንቃንዳ፣ ዪሳአቄና ያይቆአቤና ዎላ ሃጋአ ዎዞ ማሂ ዒንጎና ዓጪኦሎይዳ ሙኬ ዓሲ ማዒ፣ ዓፒላና ማኸንቴ ማአሮይዳ ዒ ናንጌሢ ጉሙርቁሢናኬ።

10 ዓይጎር ጌዒቴ ደዲ ቦኦኮሎና ማኸንቴ፣ ያኦሲ ማዣኒ ዓርቁ ማዤ ካታሞ ዒ ካፓያታሢርኬ።

11 ዓብራሃሜ ዎዚ ጋርቹያ ማዔቴያ ሃሃ ሳአራ ዘኦኮ ማዔቴያ ሃጊ ማዓንዳ ዎዞ ዒንጌሢ ጉሙርቁንታያ ማሂ ዒ ዛጌሢር ጉሙርቁሢና ናይ ዓዶ ማዔ።

12 ዬያር ዬያ ሃይቄያጉዲ ማዔ፣ ዓብራሃሜይዳፓ ጫሪንጮ ዡኦጋሢጉዲ ሚርጌያ ሃሃ ባዞ ዓጫ ዓአ ፓይዲንቴዎ ማአሻሎጉዳ ዲቢ ዜርሢ ዒዛይዳፓ ኬስኬ።

13 ዬያታ ቢያ ሃይቁሢ ጉሙርቃ ጎይሢ ዓአዎኬ፤ ያኦሲ ዔያቶም ዒንጋኒ ጫአቄ ጫአቁሞ ባኮዎ ዔያታ ዴንቁባአሴ፤ ጋዓንቴ ሃኬና ዛጊ፣ ዓዳ ዴንቄያ ማሂ ዔያታ ዎዛዴ፤ ሳዎይዳአ ሾኦቹ ሃሃ ሙኬ ዓሲ ማዔያታሢያ ዔያታ ዔሪ ማርካዴ።

14 ያዲ ጌዒ ማላ ዓሳ ዔያቶም ማዓ ዓጪ ዓአያ ማዔም ዔያታ ካፓያታሢ ዔርታ።

15 ዬኖ፣ ዔያታ ዎንዴ ሃሺ ኬስኬ ዓጪኦሎ ሄኤዶ ጳቁሢ ማላያታቴ ዒዞ ባንሢ ማዒ ዴንዳንዳያታዎኬ።

16 ሃሢ ጋዓንቴ ባሺ ማዔያ፤ ሃሃ ጫሪንጮይዳ ዓአ ዓጮ ዔያታ ጳቁሢ ማላ፤ ዬያፓ ዔቄያና ያኦሲ ዔያቶም ካታማ ጊኢጊሺሢር «ኦ ያኦዛሢ» ጌዒ ዔያታ ዔኤሌቴ ዒዛ ቦርሳያቱዎሴ።

17 ዓብራሃሜ ዎይታቴያ ዛጋኒ ያኦሲ ማዴ ዎድና ዒዚ ዪሳአቄ ያኦሲም ዒንጎ ባአዚ ማሂ ዒንጌሢ ጉሙርቁሢናኬ፤ ሃጊ ማዓንዳ

11:7 ማኸ. ማፃ 6:13-22። 11:8 ማኸ. ማፃ 12:1-5። 11:9 ማኸ. ማፃ 35:27። 11:11 ማኸ. ማፃ 18:11-14፤ 21:2። 11:12 ማኸ. ማፃ 15:5፤ 22:17፤ 32:12። 11:13 ማኸ. ማፃ 23:4፤ 1ዮኦሲ. ዓሃኬ 29:15፤ ዓይኑ. 39:12።

ዎዞ ዴንቄ፣ ዓብራሃሜ ፔኤኮ ፔቴ ናዓሢ ጎኔ ሹካኒ ዒማና ገአጊኔ።

18 ዬይ ናዓሢ «ኔ ዜርፃ ዪሳኣቄ ሱንፆና ዔኤሊንታንዳኔ» ያኦሲ ዒዛም ገዔሢኦ።

19 ያኦሲ ሃይቄ ዓሶ ሃይቢዳፓ ዔቁሳኒ ዳንዳዓሢ ዓብራሃሜ ጉሙርቁሢሮ ዒማና ዪሳኣቄ ሃይቢዳፓ ዔቄያ ማሂ ዒ ዛጌኔ።

20 ዪሳኣቄ ሃጊ ማዓንዳ ባኮ ማሊ ያይቆኦቤና ዔኤሳዎና ዓንጃሢ ጉሙርቁሢሮ።

21 ያይቆኦቤ ሃይቃኒ ዑካፆ ዮሴፔ ናኣቶ፣ ፔቴ ፔቴሢ ዓንጃሢ ሃሃ ዒ ኮኦላዲ ሃንታ ኮኦሎና ዔቁ ያኦሲም ዚጌሢያ ጉሙርቁሢሮ።

22 ዮሴፔ ሃሃ ሃይቃኒ ዑካፆ ዒሰራዔኤሌ ዓሶም ዔያታ ገብፄ ዓጮይዳፓ ኬሰካንዳያ ማዒያ ኬኤዜሢ ሃሃ ዒዛኮ ሜጌያ ዔያታ ዎዳንዳቴያ ዓይሢሢ ጉሙርቁሢሮ።

23 ሙሴ ሾዔ ዓሳ ዒ ሾይንቴ ዎዶና ማዛጲ ናይ ማዔሢ ዛጋፆ፣ ካኣቴ ዓይሢ ዓይሢያ ዒጊጩዎፆ ሃይሃ ዓጊኒ ዒዛ ዓኣቼሢ ጉሙርቁሢሮ።

24 ሙሴ ዒማና ዲጩሢኮ ገንፃ፡- «ገብፄ ዓጮ ካኣቴኮ ናዎ ናኣዚ» ጌይንቴ ዔኤሊንቴያ ዒፄሢ ጉሙርቁሢሮ።

25 ዒዚ ዳካ ዎዶሮ ጎሜ ማዲ ማዲ ዴንቆ ዎዞይዳፓ ባሼ ያኦሲ ዴሮና ዎላ ሜቶ ዔካኒ ኮዔኔ።

26 ሃጊ ዒዛም ዒንገንታንዳ ባኮ ዒ ዔሪሢሮ ገብፄ ዓጮ ቆሎይዳፓ ባሼ ሜሲሃ ዛሎሮ ቦሂንቴፃ ባሼ ቆሎ ማዔሢ ዒ ዛጌኔ።

27 ዒዚ ሃሃ ካኣቴኮ ጎሪንቶ ዒጊጩዎፆ ገብፄ ዓጮይዳፓ ኬሰካሢ ጉሙርቁሢሮ፤ ጴዳዎ ያኦዛሢ ዴንቄያ ማሂ፣ ዒ ፔ ማሊያና ዶዴኔ።

28 ቶይዶ ናኣቶ ዎዳንዳጉዲ ዒማና ዓይሢንቴ ኪኢታንቻሢ ዒሰራዔኤሌ ዓሶኮ ቶይዶ ናኣቶ ዎዳዎጉዲ ዑሣ ዓኣዲያ ዎጎና ካሮ ዑፃ ሱጉያ ፑጩያ ዎጎዎ ዒ ኩንሢሢ ጉሙርቁሢሮ።

29 ዒሰራዔኤሌ ናኣታ ፃኣዲ ሳዓይዳ ሃንቶጉዲ ሃንቴ ዞቄ ባዞና ፒንቄሢ ጉሙርቁሢሮ፤ ገብፄ ዓሳ ጋዓንቴ ዔያቶጉዲ ፒንቃኒ ማሌ ዎዶና ቢያሢ ዎኣያና ሙይንቴኔ።

11:17 ማዢ. ማፃ 22:1-14። 11:18 ማዢ. ማፃ 21:12። 11:20 ማዢ. ማፃ 27:27-29፤39-40። 11:21 ማዢ. ማፃ 47:31—48:20። 11:22 ማዢ. ማፃ 50:24-25፤ ኬሲ. ማፃ 13:19። 11:23 ኬሲ. ማፃ 2:2፤ 1:22። 11:24 ኬሲ. ማፃ 2:10-12። 11:27 ኬሲ. ማፃ 2:15። 11:28 ኬሲ. ማፃ 12:21-30። 11:29 ኬሲ. ማፃ 14:21-31።

30 ዒስራዔኤል ዓሳ ዒያርኮ ካታሞኮ ሹጮና ከልቁ ዲርቆና ዲር ዙሎ ላንካይ ኬሊ ሺሬሢኮ ጊንፃ ዬያ ዲር ዔያታ ደይሴሢ ጉሙርቁሢናኩ።

31 ዘአዛ ኮአማ፡ ሬዓባ ጎፃዛ ዒስራዔኤልይዳፓ ሙር ሙኬ ዓሶ ሸአቸንሢ ዔኪያና ያኦሲም ዓይሢንቱዋ ዓሶና ዋላ ሃይቁዋፃ ዓቴሢ ጉሙርቁሢናኩ።

32 ዓካሪ ዬካፓ ዑሣ ታ ዋዚ ጎፃንደይ! ጌዲዮኔ፡ ባርቄ፡ ሶምሶሜ፡ ዮፕታአሄ፡ ዳውቱ፡ ሳሙዔኤሌንታ ያኦሲ ማሊያ ኬኤዛ ዓሶንታ ዛሎ ታ ከኤዚ ጋፒሳኒ ዳንዳዑዋሴ።

33 ዔያታ ጉሙርቁሢና ካአቶ ያልዚና ባሺኔ፡ ፒዜ ዋጊሢና ዓሶ ዋይሢኔ፡ ያኦሲ ዔያቶም ዒንጌ ሃጊ ማዓንዳ ዋዛ ባኮዋ ዴንቄኔ፡ ዘሶኮዋ ዳንጎ ዓይሢኔ፤

34 ታሚ ዋልቄያ ባሺኔ፡ ጩንቾ ዓፓርና ሃይቁይይዳፓ ቶሌኔ፡ ላቢፃፓ ዶዴኔ፡ ያልዚና ዔርቴያ ማዔኔ፡ ዔያቶ ያላኒ ሙኬ ሞርኮኮ ፖኦሊሶ ዳውሴኔ፤

35 ላአላ ፔኤኮ ሃይቁ ዒጊኖ ሃይባፓ ዔቁም ዴንቄኔ። ሜሌ ዓሳ ሃይቢፓ ዔቁ ባሺ ናንጊ ዴንቃንዳኔ ጌዒ ዳማ ዳማ ሜቶ ዔኬኔ፤ ዬያይዳፓ ቶሊ ሜታ ባአያ ናንጋኒያ ኮይባአሴ።

36 ፔቲ ፔቲ ዓሳ ዓሲኮ ዓማሊ ማዒ ዠራፓና ጳርቁንቴኔ፤ ሃንጎታ ሃሣ ዓንጊ ዳፃና ቱኡቲ ቱኡሲ ማአሪ ጌሌኔ፤

37 ሹቸናአ ዳይንቴኔ፡ ማጋአዜ ጌይንታ ዓንጎና ሄኮ ጳሊንቴኔ፡ ጩንቾ ዓፓርናአ ጫርጊንቲ ሃይቄኔ፡ ማሪይና ዋአሪናኮ ዒልዒ ማይንቲ ሜታዲ ሃንቴኔ፡ ማንቆ ሃሣ ቤሲባአ ዓሲያ ማዒ ሃንቴኔ፤

38 ዓሲ ናንጉዋ ዳውሎይዳ፡ ዲኮይዳ ሃሣ ዴኔ ዔቴንታ ዛሬንታይዳ ዋርቁ ዋርቁ ሃንቴኔ፤ ዬያር ዓጫ ዔያቶም ኮይሳ ቤሲ ማዒ ጴዲባአሴ።

39 ዬያታ ቢያ ፔ ጉሙርቁያና ማርካዲንቴያታቲያ ዔያቶም ዒንጊንቲ ሃጊ ማዔ ዋዛ ጋዓንቲ ዔያቶይዳ ዴንቄይ ባአሴ።

40 ያኦሲ ኑም ዑሣ ዓአዴ ኮሺ ማዔ ባአዚ ጊአጊሺሢሢር ዔያታ ኑኡና ዋላ ማዓንዳአፓዓቲም ዔያቶና ሌሊ ያኦሲ ማሊያ ኩማያቲዋሴ።

11:30 ዒያ. 6:12-21። 11:31 ዒያ. 2:1-21፤ 6:22-25። 11:32 ሱኡጎ. ማፃ 6:11—8:32፤ 4:6—5:31፤ 13:2—16:31፤ 11:1—12:7፤ 1ሳሙ. 1:1—1ካአቶ. ማ 2:11። 11:33 ዳአኔ. 6:1-27። 11:34 ዳአኔ. 3:1-30። 11:35 1ካአቶ. ማ 17:17-24፤ 2ካአቶ. ማ 4:25-37። 11:36 1ካአቶ. ማ 22:26-27፤ 2ያኦሲ. ዓሃኬ 18:25-26፤ ዔር. 20:2፤ 37:15፤ 38:6። 11:37 2ያኦሲ. ዓሃኬ 24:21።

12

ጾኦሲ ኑኡኮ ዓድ ማዒያ

1 ዬያጉዴ ሻኣሬ ማዔ፥ ማርጌ ማርካ ኑኡኮ ዓኣሢር ኑኡኢያ ኬዲ ኑም ማዔ ባኮ ቢያ፤ ሃሃ ኑና ቱኪ ዓርቄ ጎሞይዳፓ ዲማዲ ኑኡኮ ቤርታ ዓኣ ጳዦ ጊቢ ዳንዳዒሢና ዶዲ ኑ ጳሽኮም።

2 ኑ ጳሽካንዳሢያ፡- ኑኡኮ ጉሙርቂያኮ ካራ ማዔሢና ኩንሃያ ማዔ፥ ዬሱሴ ዛጊኬ፤ ሃጊ ዒ ዴንቃንዳ ዎዘር ፑርቶ ዓሶ ሱያ ሚያይዳ ዓኣ ዳውሲንቶ ሃይቦ ዔኤቢ ማሂ ዛጉዎያ ሃሃ ዒኢኣ ዒ ሃይቄ ሃይቦና ሜታሢና ጉቤ ዳንዳዒ ጾኦሲኮ ካኣቱሞ ያይቶ ኬሰከ፥ ዒዛኮ ሚዘቆ ዛለ ቦንቾና ዴዔኔ።

3 ዓካሪ ዒንሢ ቶኦዛዲሞያ ሃሃ ሃጊ ማዓንዳ ዎዛባኣ ዓሲጉዲያ ማዒፖቱ፤ ጋዓንቱ ዬያ ቢያ ጎሞ ዓሳ ዒዛ ዒዳ ማዴ ባኮ ጊቢ ዳንዳዒ፥ ዬሱሴ ዛጉዎቱ።

4 ዒንሢ ጎሜ ዒዳ፥ ሃይቢ ሄላንዳኣና ማሹምቦ ዓርቂባኣሴ።

5 ጾኦሲ ዒንሢ ፔኤኮ ናኣቶ ማሂ፡-

«ታ ናዒሢያ! ጎዳ ጎራ ጎር ቦሂፖ፤

ዒ ኔና ሜቶና ጎራ ዎዶና ሃጋኣ ዎዛ ባኣያ ማዒፖ፤

6 ዓይጎር ጌዔቱ፡- ጎዳ ፔ ናሽካሢ ጎራኔ፤

ፔ ናይ ማሂ ዛጋሢያ ዒ ፀንቃኔ»

ጌዒ ዘሬ ዘር ዒንሢ ዋሌኔ።

7 ጾኦሲ ዒንሢ ፔኤኮ ናይ ማሂ ዛጋሢር ዒዚ ሜቶና ዒንሢ ጎራ ዎዶና ጊቢ ዳንዳዒ፡- ማዴ ጎራ ጳርቁዎ ናይ ዓኣ?

8 ናኣቶ ማዔዘንሢ ዔካ ሜታሢ ዒንሢ ዔኩሞያ ማዔቲ ዓሌ ናይ ዒንሢ ማዓንዳፓዓቱም ሽያና ናይቱዋሴ።

9 ዬይ ዓታዛ ኑና ቢያሢ ጎሪ ፀንቃ፥ ኑና ሸዔ ዓድንሢ ዓኣኔ፤ ያዲ ማዔቲያ ኑ ዔያቶ ቦንቻኔ። ዓካሪ ሸምፖና ናንጋኒ ኑኡኮ ዓያኖ ዓዳሢም ባሽ ዓይሢንታንዳያ ኑም ኮይሱሞዳ?

10 ኑ ዓድንሢ ዔያቶም ኮሺ ማዒ ጴዴ ጎይያ ዳካ ዎዴም ኑና ጎሪ ፀንቃኔ፤ ጾኦሲ ጋዓንቱ ዒዛና ዎላ ኑ ጌኤሺ ማዓንዳጉዲ፥ ኑና ማኣዳ ባኣዚር ሜቶና ኑና ፀንቃኔ።

11 ጎሪ ፀንቆ ፀንቃ ቢያ ዒማና ያዩሳያኬ፥ ዎዛሳያቱዋሴ፤ ጊንፃፓ ጋዓንቱ ጊቢ ዳንዳዒ ዔሬ ዓሶም ኮሹሞ ኩሜ፥ ዲሉሞ ናንጊ ጴዲሻኔ።

ዘርና ላቲሢና

12 ዬያር ዒንሢ ዓያኖ ዛሎና ላቤ ላቢፃፓ ዶዲዎቱ።

12:6 ዓ.ዩ. 5:17፤ ኮኣኪ. 3:11-12። 12:12 ዓ.ሲ. 35:3።

13 ዎሶ ማዔሢ ሰቁ ፒዛንዳጉዲ ማዓንዳኣፓዓቴም ፔቶ ዣኣሉዋጉዲ ዒና ዒንሢኮ ፒዜ ጎይሢ ዔኪ ዓኣዲዋቴ።

14 ዓሲ ቢያና ኮሺ ናንጋኒ ማሉዋቴ፤ ያኦሲም ዲማዴያ ማዓኒያ ደዲዋቴ፤ ዓይጎር ጌዔቴ ያኦሲም ዲማዲባኣያ ያኦኒያ ዒዛ ዛጋኒ ዳንዳዑዋኣሢሮኬ።

15 ዒንሢዳፓ ያጊዳኣ ያኦሲ ኮሹዋና ዒንጋ ዒንጊፃ ፓጩ ጴዲዋጉዲ ዒንሢና ዔሩዋቴ፤ ዬያጉዲ ሃሣ ዓይጎ ዓሲያ ዒንሢ ባኣካ ጫንቃ ሚሢጉዲ ማዒ ኬሰኪ ዒንሢ ማታሱዋጉዲና ሚርጌሢ ፕርቲሱዋጉዲ ዒንሢና ዔሩዋቴ።

16 ዒንሢ ባኣካ ፔቴና ሙዖ ሙኡዚር ጌዒ ቶይዲም ሻንቹ፣ ዔኤሳዋጉዲ ዳቢንታያ ሃሣ ጊንሣ ያኦሲ ቦንቹሱዋያ ማዔ ዓሲ ጴዲዋጉዲ ዒንሢና ዔሩዋቴ።

17 ጊንፃፓ ዔኤሳዋ ዓንጆ ዔካኒ ኮዔ ዎድና ዓንጆ ዒዚ ላኣጊንቴሢ ዒንሢ ዔራኔ፤ ዎዚ ዒ ዬኤኪ ዬኤኪ ዬኖ ዓንጆ ደዲ ኮዔቴያ ዳንቃኒ ዒ ዳንዳዒባኣሴ፤ ዓይጎር ጌዔቴ ዒ ቤርታ ዳቤ ዳቢንቶ ቡኡያንድ ካራ ዒዛም ጴዲባኣሢሮኬ።

18 ዒንሢ ኩቻ ዓርቁንታኒ ዳንዳዑዋያ ሃሣ ጊንሣ ታማ ዔኤታ ሲና ዲኮ ሄለባኣሴ፤ ጌይፃ፡- ቃኣያሢ ቤዞ፡ ዲዋ ቤዞ፡ ዓልጋሢ ዔቁ ቤዞ፡

19 ዛዮ ዑኡዛ ጊንሣ ሃሣ ጌይንታ ባካ ዎይዚንታ ዑኡዛ ዓኣ ቤዞ ባንሢ ዒንሢ ሄለባኣሴ፤ ዬያ ባኮ ዎይዜ ዓሳ፡- «ሃይፓ ሴካ ማሌ ባኣዚ ኡም ኬኤዚንቶፓ» ጌይ ሺኢቄኔ።

20 ዓይጎር ጌዔቴ፡- «ዲኮ ቆልሞ ሄሌቴታዖ ሹቹና ዲይንቴ ሃይቆንጎ» ጋዓ ዓይሢፃ ዔያቶም ዳኤፃሢሮ ዔካኒ ዔያታ ዳንዳዒባኣሢሮኬ።

21 ዬካ ጴዳ ባካ ሚርጌ ዒጊቻያ ማዔሢሮ ሙሴታዖ «ታ ዒጊጩ፣ ጎጋይቄኔ» ጌዔኔ።

22 ዒንሢ ጋዓንቴ ጂዮኔ ዲኮ ባንሢ ሙኬኔ፤ ዬይያ፡- ባይቁዎ ያኣዛሢ ካታም ማዔ፣ ጫሪንጮ ዬሩሳላሜኬ፤ ዒኢካ ዎዛና ቡኪንቴ፣ ፓይዲንቴዎ ዲሶ ኪኢታንቻ ባንሢ ዒንሢ ሙኬኔ።

23 ሃሣ ሱንፃ ዔያቶኮ ጫሪንጮይዳ ፃኣፒንቴ፣ ኪሪሰቶሴ ጉሙርቃ ሺኢጲያ ማኣር ዓሶኮ ቶይደ ማዔ፣ ኪሪሰቶሴ ጉሙርቃ

12:13 ኮኣኪ. 4:26። 12:15 ላሚ. ዎማ 29:19። 12:16 ማዢ. ማፃ 25:29-34። 12:17 ማዢ. ማፃ 27:30-40። 12:19 ኪሲ. ማፃ 19:16-22፤ 20:18-21፤ ላሚ. ዎማ 4:11-12፤ 5:22-27። 12:20 ኪሲ. ማፃ 19:12-13። 12:21 ላሚ. ዎማ 9:19።

ዓሶ ቡከንቶ ባንሢ ገንሣ ሃሣ ቢያሢም ዎጋያ ማዔ፥ ያኣዛሢና ያኣሲ ዔያቶ ማዎም ጌዔ ጎይዎ ማዔ፥ ኮኸ ዓሶ ዓያኖና ባንሢ ዒንሢ ሙኬኔ፤

24 ሃሣ ያኣሲና ዓሲናኮ ባኣካ ዓኣ ዓኮ ጫኣቁሞ ገኢጊሹ፥ ዩሱሴ ባንሢ፤ ዩያጉዲ ሃሣ ዓኣቤኤሌ ሱጉፃፓ ባሹ ኬኤዛ፥ ጎሜ ጌኤሻኒ ፑጩንቴ ዒዛኮ ሱጉዎ ባንሢ ዒንሢ ሙኬኔ።

25 ዩያ ኬኤዛ ባኮ ዒንሢ ዒፀዋጉዲ ዒንሢና ዔሩዋቴ፤ ዓይጎር ጌዔቴ ዩያታ ሳዓፓ ዔያቶም ኬኤዛ ዎደና ዒፂ ዔያታ ቶሊ ዓቲባኣያ ማዔቴ፥ ጫሪንጫፓ ኑም ኬኤዛሢዳፓ ኑ ሃኬቴ ዎይቲ ኑ ቶላንዳይ!

26 ዒማና ዒዛኮ ዑኡዛ ሳዎ ዓጊሢኔ፤ ሃሢ ጋዓንቴ፡- «ሳዎ ሌሊቱዋንቴ ፔቴና ላሚ ጫሪንጫንታ ዎላ ታ ዓጊሣንዳኔ» ጌዒ ጫኣቄኔ።

27 ዩይ «ፔቴና ላሚ» ጌይንቴ ባካ ዔርዛሢ ዓጊፀዋ ባካ ደዲ ናንጋንዳጉዲ ሃሣ ዓጊፃያ ማዔ፥ ማኸንቴ ባካ ባይቃንዳያ ማዔሢኬ።

28 ዓካሪ ኑኡኒ ዓጊፀዋ ቤዘ፥ ያኣሲ ዎይሣሢዳ ጌላንዳሢር ዒዛ ኑ ጋላቶም፤ ሃሣ ዒ ዎዛዳ ጎይሢ ዒዛ ቦንቹሢና ዒጊጩሢና ዒዛ ኑ ካኣሽኮም።

29 ዓይጎር ጌዔቴ ኑ ያኣዛሢ ሚቹ ባይዛ ታሚ ማዔሢርኬ።

13

ያኣሲ ዎዛሳ ጎይሢ

1 ቢያ ዎዴ ዎሊኮ ጌርሲ ሃሣ ጌርጉዲ ናሽኪንቴዋቴ፤

2 ሾኦቹ ሾኦቹንሢ ዔኪሢ ዎሊፖቴ፤ ዓይጎር ጌዔቴ ዩያጉዲ ሾኦቹ ሾኦቹንሢ ዓሳ ዔሩዋዎ ያኣሲ ኪኢታንቾ ሾኦቹንሢ ዔኬኔ።

3 ቱኡዘ ማኣራ ቱኡቴ ዓሶና ዎላ ዒንሢያ ቱኡቴ ዓሲ ማዒ ዔያቶም ማሉዋቴ፤ ሃሣ ዔያቶና ዎላ ሜታዳያ ማዒ ሜታሢዳ ዓኣ ዓሶም ማሉዋቴ።

4 ላኣሊ ዔኪ ዎላ ናንጎ ናንጎ ቢያሢ ቦንቻያ ማዎንጎ፤ ዓኒና ማቾና ዎሊ ጉጙርቁዎያ ማዒ፥ ዎሊ ዔኪ ናንጎ ናንጎ ዒኢሶፓ፤ ዓይጎር ጌዔቴ ያኣሲ ዘኣሰካ ኮኣማ ፑርቶ ሱኡኮና ዓኣ ዓሶንታ ዓኒ ሃሣ ማቾ ማዒባኣ ዓሶና ላሃ ዓሶዋ ፑርታና ዎጋንዳሢርኬ።

12:24 ማኸ. ማፃ 4:10። 12:25 ኬሲ. ማፃ 20:22። 12:26 ሃኣጌ 2:6።
12:29 ላሚ. ዎማ 4:24። 13:2 ማኸ. ማፃ 18:1-8፤ 19:1-3።

5 ሚኢሼ ፔቶ ናሽኪሢ ሃሹዋቲ፤ ዒንሢኮ ዓኣ ባኮና ዋዛዲ ናንጉዋቲ፤ ዓይጎር ጌዔቲ ያኦሲ፡-

«ማሊ ታ ኔና ከኤራዓከ፤ ሃሻዓከ» ጌዔኔ።

6 ዬያሮ ጉሙርቁ፡-

«ጎዳ ታና ማኣዳሢከ፥ ታ ዒገጫዓ፤

ዓሲ ታና ዓይጎ ዋኦታንዳይ?» ኑ ጋዓኔ።

7 ቤርታ ዒንሢኸም ያኦሲ ቃኦሎ ከኤክ፥ ዓርና ማዔ ዓሶ ዋሊፖቲ፤ ዔያቶኮ ናንጎና ዔያታ ማዴ ማዶኮ ዓኣፖ ጳቂሢ ሃሃ ዔያታ ጉሙርቁ ጎይያ ጉሙርቁዋቲ።

8 ዬሱሰ ኪሪሰቶሴ ዚጊናዋ ሃናዋ ሃጋ ናንጊና ዓኣ ጎይያማከ፤ ለኣሚንቲዋሴ።

9 ዲማ ዲማ ዔርቲባኣ ዔርዘ ዔርዘሢሢ ዲዒንቲ ዔውቲፖቲ፤ ዒና ኦኡኮ ሙኡዚ ዲምቤ ካፒሢናቲዋንቲ ያኦሲ ኮሹሞና ዒንጌ ዒንጊያና ዶዶቲ ቃራከ፤ ዓይጎር ጌዔቲ ዬያ ሙያ ዲምቦ ካፔ ዓሶ ዬይ ዓይጎዋ ማኣዲባኣሢሢ።

10 ኦኡኮ ያኦሲም ዒንጎ ባኮ ሺኢሾ ቤሲ ዓኣኔ፤ ጋዓንቲ ዓፒሎና ማዢንቲ ማኣሮኮ ጋሮይዳ ማዳ ቁኤሳ ዬኖ ያኦሲም ዒንጎ ቤዘይዳ ዓኣ ሙያ ዔኪ ሙዓንዳጉዲ ዓይሢንቲባኣሴ።

11 ዓይሁዶ ዓሶ ቁኤሶኮ ዑፃሢ ጎሜ ጌኤሻ፥ ቆልሞ ሱጉያ ዔኪ ያኦሲም ዑሃ ዓኣዴ ዲማዴ ቤዜሎ ጌላኔ፤ ቆልሞኮ ዓሽካ ጋዓንቲ ጉርዶ ዙላ ከሲ ሚቸንታኔ።

12 ዬያጉዲ ዬሱሴ ዴሮኮ ፔ ሱጉያና ጎሞ ጌኤሻኒ ካታሞኮ ዙላ ሃይቦ ሜታሢ ዔከኔ።

13 ዬያሮ ኦኡኒ ጉርዳፓ ዙሎ ከሰከ፥ ዒዛ ባንሢ ዴንደም፤ ዒዛና ዋላ ቦሂንቲ፥ ቦሂንቲያ ኦዋ ዔካያ ማያም።

14 ዓይጎር ጌዔቲ ኑ ሃጊ ሙካ ካታሞ ካፓኣፓዓቲም ሃይካ ሳዓ ባይቁዋያ ዶዲ ናንጋ ካታማ ኦኡኮ ባኣሴ።

15 ዓካሪ ዬሱሰ ኪሪሰቶሴ ዛሎና ጋላታ ያኦሲም ዒንጎ ባኣዚ ማሂ ቢያ ዋዴ ኑ ዒዛም ዒንጎም፤ ዬይያ ዒዛ ሱጉያ ዛሎ ኑ ዳንጎና ኑ ማርካዳ ጋላቶከ።

16 ሃሃ ኮሺ ባኣዚ ማዲሢና ዒንሢኸም ዓኣ ባኮ ሜሌ ዓሶም ጊሽኪ ዒንጊሢ ዋሊፖቲ፤ ዓይጎር ጌዔቲ ያኦሲ ዋዛሳ ዒንጊያ ዬያጉዶ ዒንጊያ ማዔሢሢ።

17 ዒንሢኸም ዓርና ማዔ ዓሶም ዓይሢንቲ፥ ዔያቶም ዋርቃያ ማዑዋቲ፤ ዓይጎር ጌዔቲ ዔያታ ማዳ ማዶ ዛሎ ሚርጌና ዔያታ

13:5 ለሚ. ዋማ 31:6፤ 8፤ ዒያ. 1:5። 13:6 ዓይኑ. 118:6። 13:11 ለዊ. ዓከ. 16:27።

የኦጪንታንዳያ ማዔሢሮ ዒንሢ ሺምፖ ዛሎ ቢያ ዎዴ ዔያታ ዶዲ ማዳኔ፤ ዒንሢ ዔያቶም ዓይሢንታያ ማዔቴ ዔያታ ፔኤኮ ማዳ ዎዛና ማዳንዳኔ። ያዲ ማዒባኣያታቴ ማዳ ዔያቶኮ የዩሢና ማዒንዳኔ፤ ዩይ ዒንሢም ጊኢጋባኤ።

18 ኑም ሺኢቁዎቴ፤ ቢያ ጎይሢና ኮሺ ናንጊ ናንጋኒ ኮዓ፣ ጌኤሺ ማለሢ ኑኤኮ ዓኣሢ ኑ ዔራኔ።

19 ባሺ ዶዲ ዒንሢ ሺኢቃንዳጉዲ ታጋዓሢ ዑኩና ዒንሢ ኮይለ ታ ማዒ ሙካንዳጉዲኤ።

ጋፒንሢ ሺኢጲሢ

20 ናንጊና ናንጎ ጫኣቁም ሱጉዖና ማራቶኮ ዴኤፒ ሄንቃያ ማዔ ኑ ጎዳሢ ዩሱሴ ሃይባፓ ዔቁሴ ኮሹሞኮ የኦዛሢ።

21 ዒዛ ማሊያ ኩንሣያ ዒንሢ ማዒንዳጉዲ ኮሺ ባኣዚ ማዳያ ዒንሢ ማሆንጎ፤ ሃሃ ዒዛ ዎዛጎ ባኣዚ ዩሱሴ ኪሪሰቶሴ ዛሎና ዒ ኑ ጊዳ ማዳንጎ፤ ዩሱሴ ኪሪሰቶሴም ናንጊና ቦንቾ ማዖንጎ፤ ዓኣሜን።

ጋፒንሢ ሃይሴ

22 ታ ዒሻንሢ! ታ ሚሻንሢ! ሃይ ታ ዒንሢም ፃኣፔ ኪኢታ ዳካ ማዒሢሮ ሃያ ታኣኮ ዘሮ ሃይሶ ጊቢ ዳንዳዒ ዒንሢ ዔካንዳጉዲ ታ ዒንሢ ሺኢቃኔ።

23 ኑ ዒሻሢ፣ ዪሞቴዎሴ ቴኤዘ ማኣራፓ ቡሊንቴሢ ዒንሢ ዔራንዳጉዲ ታ ኮዓኔ፤ ሃሢ ዑኩና ዒ ሃይካ ሙኬቶ ዒዛና ዎላ ሙኪ ታ ዒንሢ ዛጋንዳኔ።

24 ዒንሢኮ ዓርኖና የኦሰም ዳማዴ ዓሶናም ቢያ «ኮሺዳ?» ጋዓኔ፣ ጎዑዎቴ። ዒፃሊያ ዓጮይዳፓ ሙኪ፣ ታኣና ዎላ ዓኣ ኪሪሰቶሴ ጉሙርቃ ዓጎ «ኮሺዳ?» ዒንሢ ጋዓኔ።

25 የኦሲኮ ኮሹሞ ዒንጊፃ ዒንሢ ቢያሢና ዎላ ማዖንጎ።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929